

๑ เรชชะโลนิกเก,	๒ เรชชะโลนิกเก
๑ ทิโมเรียว,	๒ ทิโมเรียว
ตีโต,	ฟีเลโมน

1 تيسالونیکا	2 تيسالونیکا
1 تیموتیوس	2 تیموتیوس
تیتوس	فیلیمون

دڻن بهاس لغة

1 تيسالونيكا

سورت کيريمن يڻ فرتام هق توهن بري فولوس
توليس کفد فواق المسيح دبندر تيسالونيكا

فولوس دوق تگور فواق المسيح دتيسالونيكا

باب 1

1 اڪو فولوس، صيلس دغن تيموتيوس، هنتر سورت ني کفد
سموا فواق المسيح دبندر تيسالونيكا، هق دوق سهاتي
سپاوا دغن توهن باف، فس دغن ربي عيسي المسيح.
اڪو مينتا توهن چوچور رحمة ري اتس فواق مو، دغن
سلامت سجهترا.

فولوس اوچف تريما کاسيه کا توهن کران فواق تو

2 تکه فواق اڪو دوق برعا اڪو سبوت نام فواق مو تاء فوتوس
دغن اوچف تريما کاسيه کا توهن کران فواق مو.
3 سابت گنف ۲ کالي اڪو مغبانف توهن باف نق برعا، اڪو
ترايغت کا ايمان فواق مو، هق بري مو بوليه اوسها هاري ۲،
فس کاسيه. مو هق بري فواق مو راجين بوات کرج کا توهن،
فس لاگي، هرافن مو کا ربي کيت عيسي المسيح، هق بري
هاتي مو صبر دغن تگوه.
4 هي اديق براديق کو! فواق اڪو تاهوره کات توهن کاسيه
سوڱوه کا فواق مو، فس ري فيليه فواق مو جاني مليق ري.

- 5 کران بیلا فواق اکو باوا خبر بایک کا فواق مو دولو، مو تریم خبر تو، بوکن کات فواق اکو ماری کیچیک ۲ ساج. تافی شراحن کو تو اد کواس کو روح توهن، فس اکو فرچای فنوه کات خبر تو هق سجاتي. تکه تو، مو بولیه فرهاتي بالسان مان اکو دوق گي ماري دالم فواق مو، نق بري جاني چنتوه، بوکن؟
- 6 فس مو توروت چنتوه اکو تو، فس توروت چنتوه ربي عیسی جوگ. سوغکوه فون تکه تو فواق مو کنا سیقسا ساعت، تافی مو تریم جوگ خبر هق فواق اکو باوا تو، دغن سوک هاتي هق ماري دروح توهن.
- 7 سابیت توله، مو بولیه جاني چنتوه فول، کا سمو اورغ هق فرچای کا توهن، رنگري ماکدونیا دغن نگري احیا هق بغسا مو.
- 8 کران خبر بایک چارا حال ربي عیسی، هق فواق مو باوا تبیت رنگري ماکدونیا دغن نگري احیا تو، بوکن سکت تو ساج، بق. تافی خبر کات فواق مو فرچای کا توهن گي سمغي سرات ۲. سابیت تو، فواق اکو تاءار ده هق کنا رویت لاکي.
- 9 سمو اورغ دوق کیچیک ۲ چارا حال فواق مو سمبوت فواق اکو تکه اکو مولا ۲ گي کا تمغت مو تو. فس، بالسان مان فواق مو تیغل برهالا ۲ فالیغ سمبه کا توهن هق سبئر، هق دوق
- 10 هیدوف سلام ۲. فس، اورغ دوق کیچیک ۲ چارا حال فواق مو دوق ننتي نق سمبوت عیسی، انق یغ ساتو هق توهن، عیسی هق ماتي ده، فس توهن بري هیدوف کلیق فول. دي هق نق تورون ماري دشرگ بري کیت سلامت درفد مرک توهن، فد هاري قیامة.

کرج فولوس دبندر تيسالونیکا دولو

باب 2

- 1 هي ادیق برادیق کو! فواق مو تاهوده کات هق فواق اکو گي زیاره فواق مو تو، بوکن فري ۲ ساج، بق. فس مو تاهو

- 2 جوگ بالس مان فواق اكو ڪنا پاڻ، ڪنا هينا، ريندر فيليفي، بلوم
 فد اكو سمفي ڪا فواق مو دتيسالونیکا. تافي توهن رتي ڪو بري
 فواق اكو براني ماري رويت خبريغ بائڪ ڪا فواق مو جوگ، ولو
 ار بايق هق لاون فون.
- 3 هق فواق اكو ڪي رويت خبر بائڪ تو، بوڪن توبيت دالسن
 ڪسلاهن، اتوا دفرڪارا هق چافوغ، اتوا فون سابيت فواق اكو
 نق ڪيليق تيفو اورغ، دق.
- 4 توهنله هق ڪرت سين ڪات فواق اكو سوغ بولييه باوا خبر دي
 تو. فس تڪه اكو دوق رويت، بوڪن اكو نق بري ماء نسي برڪن،
 دق! تافي اكو بوات انتوق توهن، هق بولييه تلتي تيغوق
 سمفي ڪا ايسي هاتي ڪو.
- 5 فواق مو تاهو دغن تروس ترغ، فس توهن فون بولييه جاري
 سقسي جوگ، ڪات تڪه فواق اكو ماري ڪا تمفت مو، اكو تاء بياس
 فاڪي ڪيچيفن مانيس دلوار، اتوا فون ڪيچيق ليده برچابغ سروف
 اورغ نق تودوغ هاتي طمع دي هق نق ۲ ڪا بارغ. فواق اكو
 تاء بياس چاري فوجين دسياف ۲ فون، دغن فواق مو اتوا اورغ
 لائن ۲ جوگ.
- 7 سوغڪوه فون، ڪران فواق اكو باوا تيته المسيح، اكو بولييه نق
 امبيق اف ۲ دغد فواق مو، تافي دق. تڪه فواق اكو دوق دغن
 فواق مو، اكو دوق بوات فراغي لمه لمبوت، سروف مق ڊاڪف
 انق ۲ دي، امبيق فدولي.
- 8 فواق اكو ڪاسيه ڪا فواق مو بايق سوغڪوه. سابيت تو اكو
 سيمفن ده نق بري ڪا فواق مو، بوڪن خبريغ بائڪ تو ساج،
 تافي پاوا ڪو سڪالي فون، ڪران ڪاسيه بدعه تو.
- 9 هي اديق براديق ڪو! موتيغوق ده، بوڪن، بالس مان فواق
 اكو ڪرج سمفي لتيه، تڪه فواق اكو دوق رويت خبر بائڪ هق
 ماري دغد توهن تو. اكو ڪرج سياغ مالم، تاء سير بري فواق

- 10 مو کنا برت. فواق مو جاني سقسي اتس کرج ۲ فواق اکو سکالي دغن توهن جوگ، کات فراغي فواق اکو دغن فواق مو هق فرچاي کا توهن تو، سوغ دغن اورغ هق بوات کرج توهن دغن اخلاص هاتي، تاء ساله اف ۲.
- 11 فواق موتاھو ده کات اکو بوات کا فواق مو کنف ۲ اورغ سروف فق دغن انق ۲ دي، کران اکو نصيحة کا فواق مو بري تاهو هق مان باءیک، بري مو قواة سماغث، فس بياس مينتاء فواق مو جوگ ۲، بري بولييه هيدوف سوغ دغن هق توهن برکنن. 12 کران ديال هق فغکیل مو کي دوق باوه فرينته دي، بولييه امبيق سگیان دالم کملیان دي.

جاني بالس مان اتس اورغ هق مولا ۲ فرچاي دتيسالونیکا

- 13 فس سابيت هق لائن جوگ، اکو دوق اوچف تريما کاسيه کا توهن سعمور. کران، بيلا فواق اکو باواء خبر باءیک هق توهن کا فواق مو، با دغر، مو تريما سلالو، کات بوکن خبر هق ماءنسي، تافي هق توهن. فس سوغکوه جاني هق توهن، کران توهنله هق دوق کرج دالم هاتي فواق مو هق فرچاي.
- 14 هي اديق براديق کو! فرکارا ۲ هق جاني اتس فواق مو دسيني سروف هق جاني ده دولو، اتس فواق ۲ المسيح هق جاني ميليقي توهن رنگري يهوديه. کران فواق مو کنا پاڻ داورغ ۲ بغسا مو سنديري، سروف دي جوگ.
- 15 اورغ بغسا يهودي توله هق بونوه ربّي عيسو. نبي لائن ۲ فون دي بونوه سروف تو جوگ، فس دي همبت فواق اکو توبيت کاتيقي. دفتداغن توهن، دي جاهت سوغکوه، فس دي بري سما ماءنسي جاني سترو دغن دي.
- 16 کران دي نق سکت فواق اکو، تاء سير بري رويت خبريغ باءیک کا اورغ ۲ بغسا لائن هق تاء کتل توهن لاگي، انتوق نق

بري فواق تو سلامت. سروف دي نق بري دوسا ۲ دي كهوړ۲
فنه منيتير. تافي سور سكالې توهن مرک ده اتس دي.

فولوس نق کي زياره فواق تيسالونيكا فول

17 تافي باليق اکوني، هي اديق براديق، بيلا اکو مچه دغن
فواق مو سمنتارا تو، بوليه کات مچه توبوه بدان ساج، تافي
فراسان هاتي کو دوق سكالې دغن مو سعمور. اکو دوق ريندو
ايغت کا فواق مو، نق برتنغ مات سمولا.

18 فس فواق اکو دوق اوسها چاري جالن نق تمو دغن فواق مو
سكالې لاگي. اکو سنديري دوق کاچغ نق ماري کا تمفت مو، دوا
تيگ کالي ده، تافي هيليس گفکو تاء بري ماري.

19 سياف دي هق فواق اکو بوليه هارف، هق بري سوک هاتي؟

جاري فواق موله! اکو بسر هاتي بوليه باوا فواق مو مشهاف
رېي عيسی، تکه دي نق ماري تو، جاري تندا کات، کرج کو

20 برجاي ده. کران، سابيت فواق موله اکو نق بوليه فوجين
دري توهن. فس فواق موجد هق بري اکو سوک هاتي.

باب 3 فولوس سوروه تيموتيوس کي کا تيسالونيكا گنتي دي

1-2 سابيت تو، بيلا فواق اکو تاء دغر خبر فواق مو لام ده، اکو

براس تاء ليه اود، فس تو کرت سين کات، موليق اکو فولوس
تيغگل سئورغ دبندر اتينا، فس نق هنتر اديق کيت تيموتيوس
کي کا تمفت مو. تيموتيوس دوق کرج کا توهن سروف اکو، رويت

خبر بائیک حال المسيح تو، فس توجوان دي کي تو، نق تمبه

3 ايمان فواق مو بري قوا لاگي، تاء سير بري سياف دالم فواق مو

لمه سماغت، بيلا تمو دغن کسيقسائ. کران فواق مو تاهو بوکن،

کات تکه کيت دوق تورو کهنلق توهن، گنف ۲ اورغ کنا

تريما کسيقسائ سروف تو.

4 تڪه اڪو روق دغن فواق مو تو، اڪو رويت بلوم فد جاي لاگي،
 کات، تننو ڪيت نق تمو دغن سيقسا، فس لاني مو تاهو کات
 جاري ده.

5 جاري سابيت نيله اڪو ڪنا هنتر تيموتيوس کي ڪا تمفت مو، نق
 تاهو بالس مان دغن ايمان فواق مو. اڪو نق اور تاء ليه، ڪنا
 تاهو، سبب تاڪوت هييليس ماري تيفو مو، سهيڱ فونه
 هابيس ڪرج ڪو!

تيموتيوس باوا خبر هق موليق ڪليق ڪا فولوس

6 تافي لاني تيموتيوس ڪليق ماري ده درفد تمفت مو، فس،
 بي باوا خبر هق موليق چارا حال ايمان دغن ڪاسيه فواق مو.
 بي رويت فريحال مو، کات مو روق ايغت ڪا اڪو تاء فوتوس،
 براس نق تيغوق مات ڪو سمولا. سروف اڪو فون نق تيغوق
 مات فواق مو جوگ.

7 بيلا اڪو دغر خبر اديق براديق بالس تو، ولو اڪو روق دالم
 سيقسا سفسارا فون، تافي هاتي ڪو ار سماغت فول، ڪران
 ايمان فواق مو.

8 اڪو براس لگا، سروف اورغ رڪت نق ماتي، هق تريما هيڊوف
 ڪليق سمولا، ڪران فواق مو روق ڪجف، سهاتي سپاوا دغن
 ربي عيسي.

9 سسوڱوهن، تڪه اڪو روق مفسارف توهن ڪيت، اڪو اوچف
 تريما ڪاسيه تاء دان نق هابيس، ڪران فواق مو بري اڪو سوڪ
 هاتي سوڱوه.

10 سياغ مالم، اڪو مينتاء جوگ ۲ دغن توهن، بري اڪو بوليه تمو

دغن فواق مو موڪ سام موڪ، انتوق نق بري چوڪوف اف ۲ هق
 11 ڪورغ دالم ايمان مو. بريله باف سنڊيري هق جاري توهن ڪيت،
 دغن عيسي المسيح، ربي ڪيت، سيمفن جالن انتوق فواق

اکو ني، بوليہ تمو دڻن فواق مو سمولا .

12 فسر اڪو مينتاء دڻن رڻي بري فواق مو کاسيه مو اڪو فسر کا سموا ماء نسي کاتيڪ، بري کاسيه کهور ۲ بايق، هيڻگ سمفي مليمفه، سروف اڪو کاسيه کا فواق مو جوگ.

13 دڻن جالن کاسيه ني، رڻي نق بري قواۃ هاتي فواق مو، بري مو سوچي تاء ساله اف ۲ دفنداڻن توهن باف کيت، تکه رڻي عيسيٰ تورون ماري، سکالي دڻن سموا هق جايي مليق دي.

هيدوف هق بري توهن برکنن

باب 4

1 هي اديق براديق کو، سمفي ده ماس هق اڪونق فسن سيکيت کا فواق مو! دڻن نام رڻي عيسيٰ، اڪو مينتاء جوگ ۲ دڻن فواق مو نق تاريق هاتي مو، بري توروت جالن هيدوف هق اڪو مولا ۲ اجر تو، انتوق بري توهن برکنن. سروف مو توروت لاني، باء يڪ مو تبیع توروت لاگي.

2 کران مو تاء لوف فسنن هق اڪوتو، هق ماري دڻن کواس رڻي عيسيٰ کا فواق مو.

3 کهندق توهن انتوق فواق مو بالس ني. دي نق بري مو دوق سوچي انتوق دي، تاء ليه چمفور کاء ول دڻن هق چمر رامس.

4 توهن نق بري اورغ جتنن دالم فواق مو گنف ۲ اورغ، بوليہ تاهو بالس مان بريني کوء جالن سوچي، سام ۲ حرمة.

5 بوکن سروف اورغ ۲ جاهيل هق تاء کنل توهن. دي امبيق بيني بوات ايکوت نفسو دي.

6 دالم حال ني، جاغلله سياف ۲ دالم فواق المسيح بوات ساله

کا اديق براديق دي، اتوا فون تيفو دای نق بري بوليہ کهندق دي سنديري. کران، سروف فواق اڪو رويت دولو کا فواق مو

کات، رڻي نق جاتوه حکوم کا اورغ هق بوات بالس تو. کران توجوان توهن فگکيل کيت ني، سوروه کيت توروت جالن سوچي

8 بوکن توروت جالن معصية. سابيت تو، کالو سياف تولق
فعاجران ني، بوکن ري تولق ماء نسي، تافي سروف ري تولق
توهن جوگ، هق بري روح سوچي ري کا سموا فواق مو.

بري کاسيه مو اکو تو کهور ۲ لبيه لاگي

9 تافي، چارا حال تنجوق کاسيه مو اکو دالم فواق اديق
براديق کريستين، اکو تاء کنا توليش بري نصيحة، کران توهن
سنديري، اجر مو ده، سوروه کاسيه مو اکو.
10 فس سوغکوه مو دوق کاسيه ده دغن سموا اديق براديق سرات
نگري ماکدونيا. تافي اکو نق فسن مو جوگ ۲، سوروه اديق
براديق بري کاسيه تو کهور ۲ لبيه لاگي.
11 کاچغ اوسهاله بري بوليه دوق دغن تنغ، جاغن چمفور تاغن
حال اورغ لائين، تافي چاري رزقي دغن اوسها ريغ مو سنديري
12 سروف اکو سوروه مو دولو. دغن جالن نيله، فواق مو نق
بوليه سنجوغ داورغ ۲ لوار، فس تاء کنا تومفغ ريغ اورغ لاگي،
سوءال ماکن.

چارا حال ربي عيسى نق ماري سمولا

13 هي اديق براديق کو! اکو تاء سير بري مو تاء کابر هق
سبنر چارا حال اورغ هق ماتي ده. اکو نق بري فواق مو
جاغن سديه هاتي سروف اورغ ۲ هق تاء ار هرافن.
14 کران کيت فرچاي کات، لفس عيسو ماتي، ري بگکيت هيديوف
کليق فول. سروف توجوگ، کيت يقين کات، اورغ ۲ هق ماتي
دغن فرچاي کا عيسی، توهن نق باواء ماري سکالي دغن عيسی،
کو دافن تو.
15 کران هق اکو بري تاهو کا فواق مو ني، ياءيت فعاجران ربي
عيسی سنديري هق کات، فد هاري عيسی نق ماري تو، کيت

هق دوق هيدوف لاگي تاء ليه گي بڻگيت دولو فد اورغ هق ماتي ده ، بق !

- 16 ننتي سروي سڱالا هق توهن نق بويي . با بويي تو ، نق ار سوارا ملائڪه هق فريڱت تيڱي ، دوق فڱيل دغن سوارا درس . فس ، ربي عيسي سنديري نق تورون ماري دشرگ . فس ، اورغ ۲ هق ماتي دغن فرچاي کا عيسي تو ، نق بڻگيت هيدوف دولو .
- 17 باروله کيت هق دوق هيدوف لاگي فد ماس تو ، نق کنا اڱيت لاءِ کي سڱالي دغن بي ، کي فرهيمفون اتس اون ، انتوق نق تمو دغن ربي دسيتو . بالس تو ، کيت بوليه دوق سڱالي دغن ربي ، بوات سلام ۲ .
- 18 سابيت توله ، مو کنا فاکي فڱاجران کو ني ، تولوغ بري سماغث مو اگو دالم فواق مو .

باب 5 کنا سيمفنه ننتي نق سمبوت ربي عيسي

- 1-2 هي اديق براديق کو ! چارا حال ماس دغن فرياغ فرکارا ۲ ني نق جاي ، اگو تاء کنا توليس کا فواق مو ، کران فواق مو سنديري تاهو دغن جلس کات ، هاري ربي ماري تو ، نق سمفي سروف فنچوري ماري تغه مالم .
- 3 تغه ۲ اورغ دوق کات : تاء اف ، سنغ ده کيت لاني ! تکه تو جوگ تيبا ۲ سموا نق فونه هابيس ، نق لاري تاء ليه ده . کالو بنديغ ، سروف اورغ بتينا ، تيبا ۲ سمفي فرياغ ساکيت نق برانق .
- 4 تافي مو ، اديق براديق کو ، تاء سروف اورغ هق دوق دالم گلف . سابيت تو ، مو تاء کنا ترکجوت بيلا هاري تو سمفي ، سروف فنچوري تو ماسوق !
- 5 فواق مو سموا دوق سبله چره ده ، سروف سياغ هاري . کيت تاء دوق ده سبله مالم ، سروف دالم گلف .
- 6 سابيت توله ، جاغن کيت توروچنتوه اورغ لائن ، هق دوق

- راليب سروف اورغ تيدور چندرا . تافي کيت کنا جاري اورغ هق
ترتيب ترنيغ بوليه جاگ ڊيري.
- 7 فيکيرله ! اورغ هق تيدور تو سبله مالمه ڊي تيدور . فس اورغ
هق مابوق فول ، سبله مالمه ڊي مابوق .
- 8 تافي کيت ني ، هق دوق سبله چره ده ، کنا دوق ترتيب ترنيغ .
موليق کيت امبيق فرچاي دغن کاسيه ، سروف باجو بسی فاکي
بوات ليندوغ دارا . فس ، امبيق هرافن سلامت تو ، بوات
توفي بسی تودوغ کفلا .
- 9 کران توجوان توهن فيليه کيت ، بوکن انتوق مرک تافي انتوق
سلامت کو ربي کيت ، عيسو المسيح .
- 10 ڊي ماتي انتوق کيت ، نق بري کيت سما سڌکالي بوليه هيڊوف
سروف ڊي ، تاء کيرا کات کيت ماتي ده ، اتوا دوق هيڊوف لاڳي
فد هاري ڊي ماري تو .
- 11 سابيت تو ، بري هاتي قواتله مو اکو دالم فواق مو ، فس تولوغ
بري ايمان ۲ کهور ۲ منبه لاڳي ، سروف مو دوق بوات ده لاني .
- فسنن فولوس هق سور
- 12 هي اديق براديق کو ! اکو فسن جوگ ۲ کا فواق مو ، فدولي
له کا اورغ هق کرج اجر مو ، هق ربي لتق جاري کتوا ۲ انتوق
ديديق فواق مو .
- 13 کاسيهله کا ڊي ، دغن حرمة سوغڳوه ۲ ، کران کرج ڊي تو .
دوق بري باء يقله سام سنڊيري جوگ .
- 14 فس ، اکو فسن لاڳي کا فواق مو کات ، تولوغ فرايغت کا اورغ
هق مالس ، بري سماغتله کا اورغ هق هاتي لمه ، تولوغ جوگ
کا اورغ هق تاء ار کواس ، فس بري هاتي مو سنڊيري بوليه
صبر دغن سما اورغ .
- 15 جاغن بالس کا اورغ هق بوات جاهت کفد مو . تافي نيات نق

- بوات بائيك مو اكو ، فس دغن اورغ لائين كاتيق .
- 16 دوق سوڪ هاتيله سعمور .
- 17 بردهاله جاغن فوتوس .
- 18 دالم ۲ اف ۲ هق جاري كغد مو ، اوچف تريما كاسيهله كا توهن .
كران فركارا نيله هق جاري كهندق توهن انتوق فواق مو هق
دوق سهاتي سپاوا دغن عيسى المسيح .
- 19 جاغله بري فام افي روح توهن هق ار ده دالم هاتي .
- 20 جاغله جبيه كا فرمان توهن هق ري توروون كا اورغ بري ميمفي
كا فواق مو .
- 21 تافي تيمبغله جوگ ، سموا هق اورغ سبوت تو ، فس فگم
كجتله كا هق مان بائيك .
- 22 تافي بري جاء وهله ديري مو فد اف ۲ هق جاهت .
- 23 اكو مينتاء توهن سنديري ، هق بري سلامت سجهترا كا كيت ،
بري فواق مو سموا سوچي انتوق ري . فس مينتاء توهن فيرا
سموا ، توبوه ، هاتي دغن روح مو ، بري تاء چاچت تاء چدرا
تاء ار ساله اف ۲ ، فد هاري ربّي عيسى المسيح نق ماري فول .
- 24 توهن دوق فگكيل فواق مو ، سوروه تورووت ري . تنتوسكالي ،
مو بوليه هارف كا ري ، فس ري نق بري سلسي سموا هق
ري توجو نق بوات انتوق مو تو .
- 25 هي اديق براديق كو! كاچغ بردهاله انتوق فواق اكو كاتيق .
- 26 كيريم كاسيه كا سموا اديق براديق باليق مو ، دغن كوچوف
مو اكو سروف اديق براديق سجاتي .
- 27 اكو فسن كا فواق مو اتس نام ربّي عيسى ، سوروه باچ سورت
ني كا سموا اديق براديق باليق مو .
- 28 مينتاء بري رحمة ربّي كيت ، عيسى المسيح توروون دوق سكاله
دغن فواق مو .

2 تيسالونیکا

سورت کیریمن یغ کدوا هق توهن بري فولوس
تولیس کفد فواق المسیح دبندر تيسالونیکا

باب 1 فولوس دوق تگور فواق المسیح د تيسالونیکا

- 1 اگو فولوس ، سلیس دغن تیموتیوس ، هنتر سورت نی کفد
سموا فواق المسیح دبندر تيسالونیکا ، هق دوق سهاتي
سپاوا دغن توهن باف کیت ، فس دغن ربّي عیسی المسیح .
- 2 اگو مینتاء توهن باف دغن ربّي عیسی المسیح چوچور
رحمة دي اتس فواق مو ، دغن سلامت سجهترا .

ربّي نق ماري کرت سین دغن عادیل

- 3 هي ادیق برادیق کو! فواق اگو کنا اوچف تریم کاسیه کا توهن
سعمور کران فواق مو . سوغ فاتوتله اگو بوات بالس تو ، سبب
ایمان مو کهور ۲ سوبور مولیق ، فس کاسیه مو اگو دالم فواق
مو کهور ۲ منبه قواة لاگی .
- 4 جادي سابیت نیله ، اگو بولیه اغکیت فواق مو بوات چنتوه کا
فواق ۲ المسیح هق جادي ملیق توهن دتمفت لاین ، کات
مو دوق تگوه دغن فرچاي ، تکه مو کنا سیقسا سفسارا تو .
- 5 فس هق مو بولیه فرچاي دغن تگوه تو ، جاي تندا چرف کات
توهن دوق بوات هق عادیل سعمور . سور سکالي دي نق کرت سین

- دغن عاريل كات، فواق مو سوغ ده بوليه اجق ماسوق دوق باوه
 فرينته يي راحيره، هق جادي سبب مو كنا سيقسا سفسارا لاني.
- 6 فواق مو هق دوق كنا سيقسا فون، توهن نق بري هيلغ سيقسا
 7 تو، سكالې دغن سيقسا فواق اكو جوگ. فس اورغ هق بري مو كنا
 سيقسا تو فون توهن نق بالس سيقسا اتس يي جوگ، تكه ربّي
 عيسى تورون دري لاغيت بري نمفق ديري، سكالې دغن ملائكة ۲
 يي هق ار كواس، فس دغن افي هق دوق ميالا ۲.
- 8 فد ماس تو، ربّي نق حكوم اتس اورغ هق تاء سير كنل توهن،
 سكالې دغن اورغ هق تولق، تاء سير توروت خبر بائيك حال
 ربّي كيت، عيسى.
- 9 اورغ ۲ تو نق كنا حكوم بناس هق ككل، كنا تيغگل دوق جاءوه،
 تاء ليه مفسارف ربّي، تاء ليه تيغوق كواس يي يغ مهامليا تو.
- 10 تافي سموا هق جاي ميليق ربّي، سموا اورغ هق فرچاي كا ري
 تو، يي نق بوليه مفسارف ربّي فد هاري تو، فس ربّي نق
 بوليه فوجين دغن حرمة درفد فواق تو. فس فد ماس تو، فواق
 مو دتيسالونيكا فون نق جاي سفاق دغن فواق تو، كران مو
 فرچاي كا خبر هق اكو ماري رويت كقد مو.
- 11 سابيت توله، اكو كاچغ برعا انتوق فواق مو سعمور ۲، مينتاء
 دغن توهن كيت بري فواق مو سوغ بوليه توروت جالن هق ري
 فغكيل مو ماسوق تو.
- مينتاء توهن دغن كواس يي، بري بوليه سلسي سموا نيات
 هاتي مو هق بائيك تو، فس بري سمفرن، سموا كرج هق مو
 اوسها دوق بوات كران مو فرچاي تو.
- 12 دغن جالن نيله، نام ربّي كيت عيسى نق بوليه فوجين درفد
 فواق مو، فس مو فون نق بوليه فوجين درفد يي، دغن كران
 رحمة هق تورون دتوهن كيت دغن ربّي عيسى المسيح.

 باب 2 دڄل هق درهاڪ كا توهن تو ، ڪٿا تيمبول ماري دولو

- 1 هي اديق براديق ڪو! چارا حال رڻي ڪيت عيسيٰ المسيح نق ماري سمولا تو ، فس چارا حال ڪيت سموا نق ڪنا فرهيمفون سڪالي ڪي دوق دغن ري ، اڪو نق فسن جوڪ ۲ کا فواق مو کات :
- 2 جاغله فيڪيران مو باعث هاپوت ڪوئ تو ڪوئ ني ، اتوا براس بوسن فون ، ڪران ار اورغ هق کات ، هاري هق رڻي نق ماري تو لفس ده . بڻڪالي ار اورغ هق کات بالس تو ، تڪه ري ميمفي فرمان توهن ، اتوا تڪه دوق برشرح فون ، اتوا بڻڪالي ار اورغ هق کات ، ار سورت هق فواق اڪو بياس توليس بالس تو جوڪ .
- 3 تافي جاغله بري ري تيفو فواق مو . ڪران هاري تو تاء ليه سمفي لاڪي ، ملينڪن ڪنا ار دولو ، فرياغ هق بايق اورغ بوات درهاڪ کا توهن . فرياغ تو جوڪ ، دڄل نق تيمبول ماري ، جاري ڪفلا سموا هق بوات درهاڪ کا توهن ، ري هق دوق توجو کا نراڪ تو .
- 4 دڄل تو نق برلاون دغن سموا هق ماء نسي دوق سمبه ، سموا هق ماء نسي اڱڪيت کات توهن ، سهيڱگ ري اڱڪيت ڊيري ري ڪي دوق ڊڪريسي دالم تمفت يڻ مهاسوچي هق توهن فون ، نق مڱاڪو کات ، ري سنڊيري جادي توهن .
- 5 مو تاء ايغت ڪه ؟ تڪه اڪو دوق ار لاڪي سڪالي دغن مو دولو تو ، اڪو رويت ده سموا ني کا فواق مو .
- 6 تافي ار ساتو ڪواس هق سڪت ، تاء بري دڄل تو تيمبول لاڪي . فس فواق مو تاهو ده هق مان ڪواس تو . بيلا سمفي ماس ري ، تنتو دڄل تو نق تيمبول ماري .
- 7 ڪجهاتن دڄل تو تغه دوق ڪرج ده لاني ، دالم دنيا ، تافي دوق منوسوف لاڪي ، سهيڱگ ري هق دوق سڪت دڄل تو ، هوندور ڪي دولو ، باروله دڄل نق توبيت دافن مات اورغ .
- 8 فس رڻي عيسيٰ ، تڪه ري ماري تو ، ري نق بونوه دڄل ، دغن

هموسر نفس، فس ربّي نق بري هابيس کواس دجل ، دغن
سابيت جهيا کملیان هق دي تو.

دجل تو نق ماري دغن فاكي کواس هييليس ، فس بي نق بوليه
بوات ماجم ۲ هق فليق ، تند ۲ منيفو هق بري اورغ ترحيران .

فس تيفوان بي هق جاهت تو ، نق کنا کا اورغ هق دوق
توروت جالن کا نراک ده ، کران اورغ ۲ تو تاء سير تريما هق

سبئر . هق نق بري بي سلامت.

سابيت توله . توهن تورون کواس اتس فواق ني ، بري فيکيران
بي فنيغ ، نق فرچاي کا هق فلسو .

توجوان توهن دغن بوات بالس ني ، نق حکوم کا سمو اورغ هق
تاء فرچاي کا هق سبئر ، سبب بي سوک کا هق جاهت .

توهن فيليه فواق مو انتوق بري سلامت

تافي ، اديق براديق کو هق ربّي کاسيه ، اکو کنا اوچف

تريما کاسيه کا توهن سعمور کران فواق مو . سبب جق دمولا ۲

لاکي ، توهن فيليه ده فواق مو ، نق بري سلامت . دغن کواس

روح بي ، فس دغن کران مو فرچاي کا هق سبئر تو ، دي نق

بري فواق مو دوق سوچي انتوق بي .

توهن فغکیل مو دوق توروت جالن تو ، دغن مو دوق دغر

خبر بایک هق فواق اکو باواء کا فواق مو دولو تو . توجوان بي

نق بري مو بوليه سکيان دالم کملیان ربّي کيت ، عیسی المسیح .

سابيت تو ، اديق براديق کو ، دوق بريري تکفله ، فس فکغ بري

کجت کا اف ۲ هق توهن فسن کا اکو ، سوروه اجر فواق مو ،

تاء کيرا دغن مولوت اتوا فون دغن سورت .

اکو مینتاء ربّي کيت عیسی المسیح سنديري ، دغن توهن باف

کيت ، هق کاسيه کا کيت ، هق بري هاتي کيت قواة تاء فوتوس ،

فس هق بري کيت بوليه هارف تنتو ، دغن کران رحمة بي ، بري

17 هاتي مو قواة لاکي، براني بوليه بوات، بوليه رويت، اف۲ هق موليق.

بردعاله انتوق فواق اكو

باب 3

- 1 هي ادیق برادیق کو! اكو نق فسن سيکیت لاکي، یاءیت بردعاله انتوق فواق اكو، نق بري خبر بایک هق ربی ملارت کي باغت۲، فس اورغ هق دغر، نق بري تريما دغن حرمة، سروف فواق مو تريما دولو.
- 2 فس، بردعاله گاتیق، مینتاء توهن بري اكو لفس درفد فواق هق کرس فروت، هق جاهت. سبب بوکن سموا هق دغر خبر بایک تو، نق فرچاي.
- 3 تافي، کا ربی کیت بوليه فرچاي سوغکوه۲. دي نق بري مو قواة هاتي، فس دي نق لیغکوغ جاگ مو درفد هق جاهت.
- 4 فس ربی بري فراسائن کا هاتي کو بوليه هارف کا فواق مو، کات مو دوق بوات اف۲ هق اكو سوروه، فس کوء دافن فون، مو نق بوات کي لاکي.
- 5 مینتاء ربی فیمفین هاتي فواق مو، بري مو بوليه تاهو کاسيه هق توهن بسر مان، فس بري مو بوليه تبیغ اوسها سمفي سود، سروف المسیح.

چارا حال اورغ هق مالس کرج

- 6 هي ادیق برادیق کو! اتس نام ربی عیسی المسیح، اكو سوروه مو جوگ۲، بري جاءوهله ديري مو فد ادیق برادیق مان۲ هق مالس کرق کاکي تاغن بوات کرج، فس تاء سیر توروت فسنن۲ کو دولو تو.
- 7 فواق مو تاهو چرف ده کات، مو کلا توروت چنتوه فواق اكو. تکه اكو دوق ادسکالي دغن فواق مو، اكو تاء مالس کرق کاکي

- 8 تاغن بوات كرج . اكو تاء امبيق اف ۲ فون راورغ ، ملينكن اكو بلي . سسوغكوهن ، فواق اكو كرج سمفي لتيه . اكو كاجغ اوسمها سياغ مالم ، انتوق تاء سير بري سياف ۲ فون رالم فواق مو كنا تڭكوغ برت كران اكو .
- 9 اكو بوات بالسر تو ، نق بري جاري چنتوه انتوق فواق مو ، بوكن سابيت تاء سوغ اكو بوليه مينتاء تولوغن رفواق مو ، دق ! سوغ جوگ .
- 10 تكه فواق اكو دوق دغن فواق مو ، اكو رويت ده اتوران كات : كالو سياف مالسر كرج ، تاء ليه ماكن .
- 11 فس لاني ، فواق اكو دغر خبركات ، ار اورغ رالم فواق مو هق مالسر كرق كاكي تاغن ، تافي راجين چمفور تاغن حال اورغ لائين .
- 12 اتسر نام ربتي عيسى المسيح ، اكو سوروه بري ايغت كا اورغ ۲ تو كات ، ري مستي كنا توروت جالن هق سوغ دغن عادة ، فس ، چاري رزقي دغن ريغ تيتيق فلوه ري سنديري .
- 13 هي اديق براديق كو ! جاغلله مو موده فواس بوات فركارا ۲ هق بايك .
- 14 بڭكالي ار اورغ رالم فواق مو تاء سير توروت هق اكو سوروه رالم سورت ني . كالو بالسر تو ، فرهاتي تيغوق كا ري ، فس ، هوندور سيكيت ، جاغن ماسوق چمفور دغن ري ، نق بري ري
- 15 تركابر كات ، هيدوف لاگو تو ساله . تافي جاغلله بوات كا ري سروف سترو ، نق ! كنا نصيحة كا ري سروف اديق براديق .

سلام فولوس هق سود سگالي

- 16 اكو مينتاء ربتي توروئله كسناغن اتس فواق مو سموا ، سبب ربتيه هق ار كسناغن ني . اكو نق بري فواق مو بوليه دوق سنغ هاتي تكه جاري اف ۲ ، اتوا بيلا ۲ فون . فس اكو مينتاء ربتي دوق سگالي دغن فواق مو سعمور .

-
- 17 هق سود ني ، اكو فولوس تولىس دغن تاغن كو سنديري ، كيريم
 سلام كا اديق براديق كوسموا . هق ني جادي تندا كات ، سورت
 ني ماري راكو سنديري . فرهاتيله كا تولىسن كو ني .
- 18 مينتاء بري رحمة ربي كيت عيسو المسيح توروون دوق اتس فواق
 مو سموا .

1 تیموتیوس

سورت کیریمن بیغ فرتام هق توهن
بری فولوس تولیس کفد تیموتیوس

فولوس دوق تگور تیموتیوس

باب 1

2-1 اکو فولوس هق باوا تیتہ عیسیٰ المسیح ایکوت سوروهن
توهن، جوړو سلامت کیت، دغن عیسیٰ المسیح هق کیت هارف
تو. اکو تولیس سورت نی کا تیموتیوس، هق سروف انق کو
سبئر، کران اکو هق فیمفین بری مو فرچای کا عیسیٰ المسیح.
مینتا توهن باف دغن عیسیٰ المسیح ربی کیت، توروں رحمة،
کسیاغ بلس دغن سلامت سجهترا اتس مو.

لارغن فولوس ترهارد اجران هق سست

3 کهنلق اکو، نق بری مو دوق دبندر ایفیسوس لاگی، سروف
اکو مینتا مو، تکه اکو برجالن گی کا نگری ماکدونیا دولو تو.
کران ار اورغ رایفیسوس تو هق دوق اجر فرکارا ۲ هق سست.
مو کنا لارغ نی، جاغن بری نی مفاجر.

4 سوروه نی برهنتی رویت چریتا اتوا بهاری تو، دغن بیلاغن
تو نینیق مویغ نی لفس سلافیس ۲ تاء فوتوس. فرکارا ۲ سروف
نی بری اورغ شک هاتی ساج، تاء ار فایده کا چارداغن هق
توهن نق سوروه کیت بوات. هق تو بولیہ تاهو کو جالن

فرچاي ساج .

- 5 توحوان اكو سوروه بالس ني ، اكو نق بري قواة ، كاسيه هق
توبيت ماري رهاتي سوچي ، رهاتي اخلاص ، رايمان هق سجاتي .
- 6 ار اورغ هق تيفگل جالن بتول تو ، قياس كي كو لائين ، فس ،
سست جالن دغن بحس هق تاء ار فائده .
- 7 فواق تو برکهندق نق جايي گورو ۲ تورات ، تافي بي تاءارتي هق
بي سنديري دوق کات ، اتوا فرکارا هق بي دوق رويت کات
مستحق .
- 8 کيت تاهورده کات تورات تو موليق ، اصل کيت تورات سوغکوه ،
توجوان دالم تورات تو .
- 9 کيت کنا ارتي کات توجوان توهن لتق حکوم ۲ دالم تورات تو .
بوکن نق توجو کا اورغ هق بائيك ، دق . تافي نق توجو کا اورغ
هق سوک لفکر حکوم ۲ تو ، اورغ ۲ هق درهاک ، هق تولق توهن
دغن بوات دوسا ، هق هيدوف تاء ايغت کا توهن ، اتوا هق
کيچيق هينا کا توهن . توجو کا اورغ هق بونوه ايبو باف بي ،
10 اتوا اورغ لائين فون ، کا اورغ هق بوات چافوغ ، هق مائين
جاهت جنتن سام جنتن ، کا اورغ هق امبيق اورغ ، کا اورغ هق
بوهوغ اتوا نائيك سقسي فلسو ، اتوا بوات اف ۲ هق لاون
دغن فئاجران هق سبئر .
- 11 فئاجران هق بئر تو ، بوليه تمو دالم خبر بائيك هق توهن
تورون کا اكو سوروه رويت . خبر تو ماري درفد توهن يغ مليا ،
نياله هق سوغ فاتوت کنا فوجي .

رحمة توهن نق تولوغ کيت

- 12 اكو دوق اوچف شکور کا عيسى المسيح ربّي کيت ، هق
بري کواس کا اكو ، بوليه بوات کرج کا توهن . اكو اوچف تريما
کاسيه کا بي ، سبب بي کيرا کات اكو سوغ فاتوت ، فس بي

13 لتق اکو بوات کرج دي . ولو فون دولو اکو سومفه ماکي کا دي ،
بوات پاڻ کيچيق هينا کا دي ، تافي توهن کسياغ کا اکو ، سبب
تکه تو اکو تاء فرچاي لاگي ، فس اکو تاء تاهو ستارا مان ساله هق
اکو بوات تو .

14 فس ربي کيت چوچور رحمة دي اتس کو بري ليمفه ، بري اکو
بوليه فرچاي بوليه کاسيه ، سابيت اکو دوق سهاتي سپاوا دغن
عيسی المسيح تو .

15 فرکتان ني بنر سوغکوه ، هق سوغ کنا تريما کنا فرچاي ، دغن
سفنوه هاتي ، ياءيت عيسی المسيح تورون ماري کادنيا ني انتوق
نق بري سلامت کا اورغ بردوسا . فس اکوله هق بردوسا برت
سکالي !

16 تافي سابيت نيله توهن تورون کسياغ بلس کا اکو ، سبب دي
نق بري نمفق بايق ستارا مان دي صبر کا اکو ، هق دوسا برت
تو . بلس تو جوگ ، اکو جادي چنتوه کا اورغ ۲ لاین هق نق
فرچاي کا دي کو ، دغن ، انتوق تريما هيدوف چارا بارو درفد
توهن .

17 کفد راج هق ککل ، هق هيدوف سلام ۲ ، هق مات تاء ليه
نمفق ، توهن يغ سا ، فاتوت سموا اورغ حرمة فوجي کا دي ،
بوات سلام ۲ ، امين .

فگن ايمان بري کمس دغن هاتي سوچي

18 هي تیموتیوس انق کو ! اکو سوروه مو ، ايغتله کا
فرمان توهن هق دي بري اورغ ميمفي کفد مو ماس دولو تو ،
فس فاکيله فرکتان تو بوات سرورف سنجات بوليه تولوغ مو
تکه مو دوق برلاون .

19 فس ، فگنله ايمان مو بري کمس ، دغن هاتي اخلاص . ار اورغ
هق تاهو هق مان موليق ، تافي دي تولق . سابيت تو ، جادي

ایمان یی سندیری فونه .

20 دالم فواق تو ترماسوق هیمینیس دغن اسکندر . اگو لفس ده
دوا اورغ تو کا هیلیس ، انتوق بری یی ارتی کات ، جاغن
سومغه ماکي کا توهن .

اتوران ۲ کا اورغ حق سمبه کا توهن

باب 2

- 1 اتوران حق مستحق ، اگو سوروه مو جوگ ۲ ، فاکت بردهاله .
فس مو کنا مینتاء دعا دان اوچف شکور تو انتوق سموا اورغ ،
- 2 لبيه ۲ لاکی انتوق راج ۲ ، دغن اورغ مان ۲ حق ار کواس بری
کیت بولیه هیدوف دغن سنخ لیندغ ، بری کیت بولیه سمبه کا
توهن ، فس بری کیت بولیه دوق برگاءول موکو دغن بوی
بهاس ، تاء ار گالاغن اف ۲ .
- 3 کالو کیت مینتاء بالسنی ، مولیق سوغکوه ، فس توهن ، جورو
سلامت کیت فون برکنن .
- 4 کهندق توهن ، نق بری سموا مائنسی بولیه سلامت ، فس بولیه
ارتی سموا حق بنر دغن چوکوف سمفرن .
- 5 کران توهن سا ، فس عیسی المسیح حق تورون جایی مائنسی
فون ، اورغ تغه سئورغ ساج ، حق بولیه بری برهوبوغ توهن
دغن مائنسی .
- 6 عیسی سره دیری یی جایی قربان انتوق نق تبوس پاوا سموا
مائنسی . حق تو جایی تندا حق بری پات ده کات ، توهن
کهندق نق بری سلامت کا سموا مائنسی ، کنا دغن ماس حق
یی چارغ دولو .
- 7 سابت توله ، توهن سوده لتق اگو سوروه باوا تیتہ یی کی
اجر اورغ بغسا لاین ۲ ، سوروه اگو میمفی فغاجران حق سمبر ،
حق اورغ کنا فکغ . حق اگو رویت نی تاء بوهوغ ، اگو رویت
حق سوغکوه .

9. سر ، اكو نق رويت حال بر دعا لاکي . اكو نق بري اورغ جنتن
 هق دوق طاعة کا توهن دمان ۲ فون ، بوليہ تارہ تاغن ري
 بر دعا ، دغن تاء موريہ کا اورغ اتوا تاء براس نق کلاهي بالہ .
 10. سر کفد اورغ بتينا فول ، اكو کهنديق نق بري ري دوق برجوروس ،
 دغن فکايں هق سوغ . جاغن کي بوات رمبوت ، نق بري اورغ
 کات لاور ۲ ساج ، اتوا بوبوه مس ، اتوا مات اينتن بلياغ ،
 اتوا فوتوغ کائين باجو مهل ۲ فون .
 11. تافي موليقله ري امبيق فريواتن هق بائیک ، جايي سروف
 فرهياسن ري ، هق سوغ دغن اورغ بتينا هق کات ري ايغت
 کا توهن سممور .
 12. تکه اورغ دوق مفاجر ، اورغ بتينا کنا دوق ديام ، حرمة کا اورغ
 هق دوق مفاجر تو .
 13. اكو تاء بنر بري اورغ بتينا مفاجر اتوا سوروه اورغ جنتن طاعة
 کا ري . بري دوق برديام . کران توء ادم هق توهن بري جايي
 دولو ، لفس تو سיתי حواء فول .
 14. فس لاکي ، بوکن ادم هق کنا تيفو ، تافي اورغ بتينا ، فس ديالہ
 هق لفکر حکوم توهن .
 15. تافي ولو بالس تو فون ، تکه برانق ، اورغ بتينا نق بوليہ سلامت
 جوگ ، اصل ري تبیغ تورووت جالن فرچاي تو ، دغن کاسيہ ، دغن
 هاتي سوچي ، فس دغن دوق برجوروس .

کاکق ۲ هق فيمفين فواق المسيح

باب 3

1. ار ففاته هق کات : سياف نق جاري کتوا هق فيمفين
 اورغ ، هق ري نق تو ، بائیک . فرکتان ني بنر سوغکوه .
 2. سروف تو جوگ ، اورغ هق نق جايي کاکق هق دوق فيمفين
 فواق المسيح ، ري کنا جايي اورغ تاء سالہ . کالو برييني ، ري
 کنا دوق موليق لاکي بييني دغن بييني تو ساج . ري کنا جايي

- اورغ ترتیب ترنیغ، هق فندی تاهن دیری. یی کنا جوغ سمبوت
اورغ تاء کئل ناءیک کا رومه. یی کنا جایی اورغ هق فندی
مغاچر. یی تاء کنا مابوق اتوا موده کرم، تافی کنا جایی اورغ
لمه لمبوت، هق سوک بری اورغ باءیک سممور. یی تاء کنا کیلا
کا دویت.
- 4 یی مستی فندی اجر اورغ اتس رومه یی سنڊیری، فس بری انق
توروت سوروهن یی، دغن حرمة کا یی.
- 5 کالو یی تاء فندی اجر اورغ هق دوق رومه تشک یی سنڊیری،
بالس مان فول نق اجر اورغ ۲ دالم فواق المسیح؟
- 6 جاغن بری جایی کاکق، اورغ هق بارو فرچای کا المسیح، کران
تاکوت یی جایی کهور بسر کا دیری، سهیغک کنا حکوم سروف
هییلیس.
- 7 یی کنا جایی اورغ هق اورغ لوار حرمة. کالو یی تاء جایی
بالس تو، بیمغ تاکوت یی نق بولیہ نام جاهت، فس لاگی،
نق کنا تیفو جاتوه فرغکف هییلیس فول.
-
- اورغ فنولوغ دالم فواق المسیح
-
- 8 بالس تو جوک، دغن اورغ هق تولوغ دالم فواق المسیح. یی
کنا جایی اورغ فراغی باءیک، تاء کنا جایی لیده چابغ. یی تاء
کنا ماکن ایر بواه جابیت بایق ساغت، فس تاء کنا طمع نق ۲
کا بایق سممور.
- 9 بق! یی کنا جایی اورغ هق توروت دغن هاتی اخلاص، جالن
فرچای، یاءیت رهسیا هق توهن بوک بری ده.
- 10 فس مستی یی کنا سویی دولو. کالو تاء ار اف ۲، باروله بولیہ
ماسوق بوات کرج فنولوغ تو.
- 11 اورغ بتینا هق نق بوات کرج فنولوغ توفون، کنا جایی اورغ
فراغی باءیک، تاء کنا سوک کیچیق حال اورغ لاین، کنا جایی

- اورغ هق ترتیب ترنیغ، هق بولیه هارف سموا فرکارا .
 1. فس فنولوغ ۲ هق جنتن فول، کالو بریینی . یی کنا دوق مولیق
 لاکي یینی دغن یینی تو ساج . کنا جاري اورغ اجر بری مولیق
 انق ۲ دغن اورغ رومه تڭگ یی .
 1.۴ دالم فواق فنولوغ نی، اورغ ۲ هق کرج مولیق، یی بولیه نام
 بایک، بری فلواغ کا یی بولیه رویت دافن اورغ، چارا حال هق
 یی فرچای تننغ عیسی المسیح .

رهسیا هق بسر

- 14 تکه اکو دوق تولیس سورت نی، اکو هارف نق بولیه تمو
 15 دغن مو رتمفت مو . تافی کالو اکو لمبت، مو بولیه باج سورت
 نی دولو، بری مو بولیه تاهو، بالسمان فواق کیت کنا فاکي
 دیری، کیت هق جاري کلوارگ توهن، یی هق دوق هیدوف
 سممور . اورغ ۲ هق جایی میلیق توهن، یی جاري سروف تیاغ
 هق دوق چغکت جاگ ایمان هق سبئر تو .
 16 بسر سوغکوه، تاءار ده نق بندیغ، دغن رهسیا ایمان کیت،
 یائیت عیسی المسیح سمفی ده دغن روف ماء نسی، فس روح
 توهن بری پات کات دیاله هق سبئر . ملائیکه ۲ بولیه نمفق
 یی . خبر حال یی کوسنرگی رات ۲ کا اورغ بغسا لاین . ماء نسی
 دنیا فون فرچای کا یی، فس توهن اغکیت یی نایک کاشرگ .

گورو ۲ هق فلسو

باب 4

- 1 روح توهن رویت دغن تروس ترغ کات، بلاکغ هاری ار
 اورغ هق نق تیغگل ایمان هق سبئر تو، گی توروت شیطان،
 هق فندی منیغو .
 2 فجاجران یی ماری کوء اورغ ۲ هق مانیس دلوار تافی فندی بوهوغ.
 اورغ نی، یی تاء براس کابر کا دوسا سیکیت هابوق .

3 اورغ ۲ سروف ني، دي لارغ تاء بري منيکاح، فس لتق اوندغ ۲ اتس مکانن کات حرام. تافي مکانن ني بارغ هق توهن بري جاري بلاک. فس اورغ دالم فواق المسيح، هق تريماره ايمان هق سبئر تو، دي بوليه ماکن بلاک، دغن اوچف تريما کاسيه کا توهن.

4 گنف ۲ فرکارا هق توهن بري جاني، موليق بلاک. تاء ار سکارا فون هق کات کنا فنتغ، تافي سموا تو کنا تريما دغن اوچف شکور کا توهن.

5 کران فرکتان توهن دغن دعا شکور، بري فرکارا تو حلال انتوق کيت.

اورغ کرج موليق کا عيسى المسيح

6 هي تیموتیوس! تولوغ فرايغت کا ادیق برادیق دالم فواق المسيح، فرکارا ۲ هق اکو فسن کفد موني، فس مو نق جاني اورغ کرج موليق کا المسيح. بالس تو مو نق بري نمفق کات، فرکتان ايمان دغن فحاجران بنر هق مودوق توروت تو، بلا هاتي مو سنديري بري کمس.

7 تافي بري جاءوهله ديري مو دزد بهاري ۲ هق بوکن دتوهن، هق تاء ار فائده. لاسقله ديري مو بري بوليه توروت توهن دغن سبولت ۲ هاتي. لاسق دغن توبوه بدان ار فائده جوگ، تافي لاسق دغن هاتي ار فائده سموا فرکارا، کران بوليه جامين کهيدوفن کيت دنيا اتوا راحيره.

9 فرکتان ني بنر سوغکوه، هق سوغ کنا تريما کنا فرچاي، دغن سفنوه هاتي.

10 سابيت نيله، سوغکوه فون اکو کرج برت، تافي تاء اف، کا لاون فون تاء اف، سبب اکو دوق هارف دغن فنوه ۲ کفد توهن بيغ هيدوف، هق بري سلامت کا مائسي سموا، تافي هق لييه ۲

لاکي، سلامت کا اورغ هق فرچاي کا ري.

- 11 مو کنا اجر. فس سوروه فرکارا ۲ ني کا اديق براديق مو.
- 12 جاغله بري اورغ تاء فادول کفد مو کران مو مودا تو. تافي تنخوفله چنتوه کا فواق اورغ فرچاي، رالم کيچيفن اتوا کلاکوان مو. بري نمق ستارا مان مو کاسيه، فرچاي، فس روق سوچي تو.
- 13 تکه مو روق ننتي اکو ماري تو، بچاله کتاب رافن اورغ رامي، برشرح کا اورغ، فس اجر کا ري.
- 14 مو تريما ده نعمة توهن، تکه فواق کاکق ۲ تو لتق تاغن اتس مو، فس ميمغي فرمان توهن کفد مو. جاغله بري روق مندف، نعمة تو.
- 15 توروتله فرکارا ۲ سائي. بري هاتي مو توجو کو، تو، فس بري سمو اورغ بوليه تيغوق کات، هاتي مو کهور ۲ ماجو سعمور.
- 16 جاگاله ري ري مو سکالي دغن فغاچران مو دغن تاء فوتوس. بالس توله، مو سنديري نق بوليه سلامت، سکالي دغن اورغ هق دغر فغاچران مو تو.

باب 5 تڭگوغن ۲ کتوا ترهاف اورغ هق فرچاي

- 1 جاغله پاتس کا اورغ هق توا فد مو، تافي مو کنا نصيحة کا ري سروف فق مو سنديري. اورغ هق مودا فول، بواتله کا بي سروف دغن اديق ۲ مو.
- 2 اورغ بتينا هق توا فول، بواتله کا بي سروف دغن مق مو سنديري. فس اورغ بتينا مودا فول، بواتله کا بي سروف دغن اديق بتينا مو، دغن اخلاص هاتي.
- 3 مو کنا فادولله کا اورغ بتينا هق لاکي ماتي، تاء ار اورغ سارا بي. تافي کالو اورغ هق لاکي ماتي تو ار انق اتوا چوچو، بريله انق اتوا چوچو تو ار تي کات، هق واجيب کنا بوات تنغ اوکام کيت، ري کنا فادول کا کلوارک دي دولو. بالس تو،

5

6

7

8

9

10

11

12

13

فس، اورغ بتينا مورا تو، تاكوت ري جايي كهوړ ۲ مالس ۳ كج،

- روکي ماس چالن لفس رومه تو، رومه تو. تروق لاکي ار فلواغ
کیچیق حال اورغ، کي مندای ۲ کریجائن اورغ، اتوا کیچیق فرکارا ۲
14 هق تاء سوغ. ساییت توله، ایکوت فیکیران اکو فولوس، مولیق
اورغ بوجغ هق مورا لاکي کي برلاکي بولیه انق، فس دوق فادول
کا رومه تئگ دي سندیری. بالس تو، تاء بری سترو ۲ کیت ار
فلواغ بری جاهت نام کیت.
15 اکو کات بالس نی کران بیاس ار اورغ بوجغ هق تیغگل فواق کیت،
کي تورووت هیلیس.
16 فس ار هق اکو نق فسن کا اورغ هق فرچای. کالو ار دالم کلوارگ
مو هق لاکي ماتی، کنا کلوارگ مو تو سارا اورغ بوجغ تو.
جاغن بری فواق المسیح کنا تئگوغ. بالس توله، فواق تو بولیه
سارا اورغ بوجغ هق تاء ار کلوارگ نق سارا.

فسنن فولوس کا تیموتیوس فول

- 17 کاکق ۲ هق ار کرج فیمین فواق المسیح، فاتوتله اوفه
کا ری دوا کالی گندا. فس هق مستحق سکالی، اوفه بالس تو
کا اورغ هق برشرح دغن مغاجر کاتیق.
18 کران ار ایات دالم کتاب هق کات:

جاغله بوه جوت لمبو، تکه دی دوق مغیریق.

فس ایات سا لاکي هق کات:

اورغ هق کرج، سوغ فاتوت نی بولیه ماکن رکرج نی.

- 19 کالو اورغ ماری تودوه کفد مو، ترهائف سئورغ دالم فواق کاکق ۲
تو، جاغله تریمه هق نی تودوه تو، ملینکن ار دوا تیگ اورغ
سقسی سروف.
20 فسی کالو ار اورغ هق کاجغ بوات دوسا، بایک لارغ دی دافن

اورغ رامی، نق بری اورغ لائین تاکوت کاتیق.

21 هی تیموتیوس! سروف اکو دوق دافن توهن دغن عیسی المسیح دغن ملائیکه ۲ هق بی فیلیه ده تو، اکو مینتاء جوگ سوروه مو توروتله اف ۲ هق اکو فسن نی، دغن تیغوق اورغ سروف سما، تاء برت سبله.

22 جاغنه گادوه لتق تاغن اتس سیاف ۲ فون، جادی نندا بی بولییه کرج کا ربی، دق! فس کالو اورغ لائین بوات دوسا، جاغنه مو توروت سروف بی. جاگ دیری مو بری سوچی.

23 جاغنه ماکن ایر ساج سروف دولو. ماکن ایر جابیت سیکیت کاتیق، نق بری سدق مکانن مو، تاء سیر بری مو تاء رق ساکیت سروف سمور.

24 ار اورغ هق دوسا ۲ بی بولییه نمفق سلالو، تنجوق کات بی نق کنا حکوم. تافی ار جوگ اورغ لائین، هق دوسا ۲ بی تاء نمفق سلالو، تافی هاری کدافن نق نمفق جوگ.

25 بالس تو جوگ، کالو اورغ بوات بائیک، اورغ لائین بولییه نمفق. تافی ولو تاء نمفق سلالو فون، تاء لییه دوق سوسوف سمور.

اورغ هق جایی کولی اورغ

باب 6

1 سما اورغ هق جایی هب هق دوق باوه دنیغ، کنا حرمة کا توان بی تو، کران تاء سیر بری ار فلواغ کا اورغ لائین بولییه مفهوده نام توهن اتوا فعاجران کیت.

2 اورغ هق توان بی جایی ادیق برادیق دالم فواق المسیح جاغنه بوات تاء برت کا توان، کران بی کدوا جایی ادیق برادیق. دق! بائیک بی بوات کرج مولیق لاگی کا توان بی تو، دغن کران توان فرچای کا توهن، جایی اورغ هق هب بی بولییه کاسیه.

فماجران هق فلسو

- ٤-١ فرکارا ٢ ني هق مو کنا اجر ، هق مو کنا سوروه اورغ بوات جوگ ٢ .
کالو سیاف فماجر هق لائین ، هق تاء برلاگ دغن فرکتان ربی
عسو المسيح هق ار ایسی فنوه تو ، اتوا دغن جالن تورو
اوکام هق سینر ، معنان اورغ تو فاءوغ دیری . یی کیچیق بسر
تاء تاهو اف سکارا . یی سوک مائین سوءال جواب سروف یی
کلا ، دغن بحس چارا حال فرکتان . بوات بالس نی ، بری اورغ
دغکی ، بری اورغ سلیهیغ ، بری اورغ هیئا مو اکو ، بری فراسان
اورغ کهور تاءمولیق چارا حال اورغ لائین ، بری اورغ باله تاءبرهنی .
- ٥ اورغ ماچم نی ، اوتق یی فکت ، یی نق تریم هق سینر تاءلیه .
اورغ نی سفک ساله کات ، فکغ اوکام جادی جالن نق بولییه کای .
- ٦ تنتوله اورغ هق فکغ اوکام نق بولییه کای جوگ ، کالو یی فواس
هاتی دغن بارغ هق مان ار .
- ٧ ارکا دق بارغ هق کیت باوا ماسوق دالم دنیا ؟ تاءار . فس ،
ارکا دق بارغ هق کیت بولییه باوا توبیت دنیا ؟ تاءار جوگ .
- ٨ کران سبب تو ، کالو کیت ار مکانن دغن فکاین چوکوف ، فاندله .
- ٩ تافی اورغ هق نق کاکای سمعور ، تکه یی کنا چوب ، نق کنا تیغو
سلالو ، بری جاتوه دالم فرغکف ، یائیت سموا فرکارا هق یی دوق
نق ، هق تاءار فاءیده ، جایی بهیا ، فس سود جالن ، یی نق
فونه هابیس .
- ١٠ سبب ، دوق ترايغت ٢ کا دویت تو جایی هومبی جاهت سموا
فرکارا . ار اورغ جوگ ، هق نق کا دویت بالس تو ، سهیغک یی
قیاس کا ایمان یی ، فس سود ، یی بری ساکیت هاتی یی سندیری ،
دغن سیقسا .

کاچغ بری هاتی مو توجو کا سموا هق سوغ

١١ تافی مو ، تیموتیوس ، هق دوق سوچی انتوق توهن ، بری

جاء وهله ديري مو درفد فرکارا ۲ ساءني. کاجغ بري هاتي مو نوحه
کا سموا هق عاديل، سموا هق سوغ انتوق توهن. کاجغ توروته
فرکارا ۲ هق مو فرچاي ده، دغن فراغي کاسيه، صبر، فس لمه
لمبوت.

12 ربوتله هديه، ياءيت هيديوف چارا بارو هق سمفرن درفد
توهن. کران توهن سوده فغکيل مو سوروه توروت هيديوف تو،
فس مو بيلاس مفاکو بالس تو دغن موليق دافن اورغ رامي هق
جادي سقسسي.

13 تکه اکو دوق سوروه مو ني، اکو دوق دافن توهن، هق بري
هيديوف سموا فرکارا هق هيديوف، دان لاگي دافن عيسي المسيح
هق بيلاس ناءيك سقسسي مفاکو سروف تو جوگ، دافن فمريته
فونتيوس فيلاتوس تو.

14 سابيت تو، اکو سوروه مو جوگ ۲ توروتله سموا هق اکو فسن
ده، دغن تاء سيلف تاء ساله اف سکارا، سهيغک سمفي ماس
هق ربتي کيت عيسي المسيح تورون ماري سمولا فول.

15 هق تو توهن نق بري پات فد ماس هق دي منتو ده. توهنله
فمريته يغ سا يغ سوچي تو. دي هق جاي راج اتس سموا
راج، هق جاي ربتي اتس سموا ربتي.

16 دي ساجاله هق ککل، هق دوق دتمفت چره چراچ هق مائسي
تاء براني نق تمفوه ماسوق. تاء ار سئورغ هابوق هق بيلاس نمفق
توهن، اتوا هق بوليه نمفق دي فون. کفد توهن نيله سوغ
فاتوت کيت حرمة، فوجي کواس دي، بوات سلام ۲. امين.

ککيائن هق سجاتي

17 بري فرايغاتن کا اورغ هق کاي هرت دنيا، لارغ دي جاغن
بري سومبوغ، اتوا دوق هارف کا بارغ ۲ هق تاء ليه جامين.
تافي دي کنا هارف کا توهن، هق تورون کا کيت دغن موره

- هاتي، سموا هق کيت کنا ار انتوق بري سوک هاتي.
- 18 اورغ کاي تو، سوروه دي بوات باءيك. بري دي جاري کاي دغن کباحيکن، اورغ هق موره هاتي، فس هق ريلا بهاکي اف ۲ کا اورغ لائين.
- 19 دغن بوات بالس تو، بي نق بوليه هرت هق سبئر جاي مودل بي ماس دافن، فس بي نق بوليه تريما کا هيديوف هق سجاتي تو.
- 20 هي تیموتیوس! بلاله اف ۲ هق توهن تورون ده سوروه مو جاگ تو. بري جائوهله ديري مو درفد کيچيفن کوسوغ، دغن بحس هق تاء ار فائده، هق اورغ ساله سغک کات جاي علمو.
- 21 کران ار اورغ هق مفاکو ديري کات ار علمو، تافي تاء برلاگ دغن ايمان هق سجاتي.
- مينتاء توهن تورون رحمة بي روق اتس فواق مو سموا.

2 تیموتیوس

سورت کیریمین یغ کدوا هق توهن
بری فولوس تولیس کفد تیموتیوس

فولوس دوق تگور تیموتیوس

باب 1

- 1-2 اکو فولوس، هق باوا تیتہ عیسیٰ المسیح ایکوت کھندق
توهن، انتوق نق کوسنر چارا حال هیدوف هق دی جنجی ده
کا اورغ هق دوق سہاتی سپاوا دغن عیسیٰ المسیح. اکو
تولیس سورت نی کفد تیموتیوس هق اکو کاسیہ سروف انق کو
سندیری. مینتہ توهن باف دغن عیسیٰ المسیح ربی کیت،
تورون رحمة، کسیاغ بلس، دغن سلامت سجهترا اتس مو.
3 تکه اکو بردها، اکو دوق ایغت کفد مو سعمور، دغن اوچف
تریما کاسیہ کا توهن، هق اکو سمبه دغن هاتی چره، سروف
توہ نینیق کو دولو.
4 اکو ایغت کا ایر مات مو منیلیہ تو، فس اکو ترايغت ۲ سیاغ
مالم نق تیغوق مات مو، نق بری فنوه سوک هاتی کو.
5 اکو ترايغت جوگ کا ایمان مو هق سجاتی تو، سروف دغن
ایمان توہ مو لویس، دغن مق مو یونیکي. فس اکو بولیہ
جامین کات ایمان مو فون سروف تو جوگ.

مو کنا بلا نعمة هق توهن تورون اتس مو

سابیت ایمان مو بالس تو، اکو نق فرايغت سوروه مو،

بلا بري ميالا سعمور، نعمة هق توهن تورون كغد مو تکه اکو
لتق تاغن اتس مو دولو تو.

7 کران روح هق توهن تورون اتس کیت، بوکن نق بري کیت فناکوت،
دق. تافي ري بري کواس کا کیت. ري بري کاسيه، فس بري بوليه
تاهن ديري.

8 سابيت توله، جاغن مو مالو نق نائيک سقسي چارا حال ربي
کیت، اتوا مالو کران لاني اکو دوق دالم تاغن کراجائن، کران
ربي. دق! مو کنا جوغ تريما کسوساهن کران خبريغ بائيک تو
سام ۲ دغن اکو، دغن برگنتوغ فد کواس هق توهن بري تو.

9 توهن نيله هق بري سلامت کا کیت، هق فغکيل کیت دوق
سوچي انتوق ري، بوکن سبب اف ۲ هق کیت بوات، تافي سبب
ايکوت توجوان توهن دغن رحمة دي. رحمة ني، توهن سيف
ده بلوم فد دنيا ار لاکي، نق تورون کا کیت کو عيسى المسيح.
10 تافي لاني توهن بري پات ده رحمة دي تو، دغن هنتر جورو
سلامت کیت، عيسى المسيح، تورون ماري کا دنيا ني. عيسى
چابوت ده بيسا هق موت، فس دغن حالن خبريغ بائيک تو، ري
بري پات دغن چرف، هيدوف هق سجاتي، هق تاء ليسوس
بوات سلام ۲.

11 توهن سوده لتق اکو سوروه باوا تيته ري کي کوسنرنق اجر خبر
هق بائيک تو. فس سابيت خبر تو، اکو کنا سوسه لاني. تافي
12 اکو تاء تيغگل هرافن کو، کران اکو کنل ده دغن ري هق اکو
دوق هارف تو، فس اکو يقين کات، ري ار کواس بوليه جاگ اف ۲
هق ري سره ده کا اکو، هيغگ سمفي هاري کدافن تو.

13 فس مو، تیموتیوس، کنا فگغله جايي چنتوه انتوق مو، فغاجران
هق ار ايسي فنوه، هق مو دغر ده راکو. توروتله چنتوه تو،
دغن ايهان قواة، فس دغن کاسيه، هق اصل ماري د عيسى المسيح.
14 توهن سره ده کغد مو فرکارا ۲ هق ار هرگ. مو جاگاله فرکارا ۲

ني دغن فرتولوغن روح توهن ، هق دوق ار دالم هاتي مو .

خبر حال اورغ کریستین تمفت لائین

- 15 مو تاهو ده ، بوکن ، کات سمو اورغ هق دوق دالم نگرې اسيا
فالیغ بوات تاء کنل دغن اکو . دالم فواق تو ترماسوق جوگ
16 فیکیلوس دغن هرموجینیس . مینتاء ربی تنجوق کسیاغ بلس کا
رومه تغگ هق اونیسیموس ، کران باپق کالی ده دي ماري تمبه
سماغت کو . دي تاء مالو کران اکو دوق کنا گاري بلس ني .
17 تافي بیلا دي ماري سمفي کا کوت روم ، دي کاچغ اوسها چاري اکو
18 هیفگ برتمو . مینتاء ربی بري کا دي کسیاغ بلس هق توهن ،
جادي بالسن فد هاري کدافن تو . دان لاگی ، مو تیموتیوس ، تاهو
چرف ده ستارا مان اونیسیفوروس تولوغ اکو دبندر ایفیسوس دولو .

اورغ هق دوق سبله المسيح

باب 2

- 1 فس لاني ، هي انق کو ، چارا حال یري مو فول ، دوق قواتله ،
دغن رحمة هق تورون کا کیت هق دوق سهاتي سپاوا دغن
عیسی المسيح .
2 اف ۲ هق اکو اجر ده دافن اورغ رامي ، هق مو دغر تو ، امیقله ،
گی سره کا اورغ ۲ هق مو بولیه هارف ، هق فندي اجر کا اورغ
لائین فول .
3 مو کنا جوغ تریم کسوساهن سام ۲ کیت ، سروف مو جاي عسکر
هق هاتي جوجور ، هق ماسوق دوق سبله المسيح نق برلاون .
4 اورغ هق جاي عسکر ، تکه دي دوق باوه اوندغ ۲ فرغ ، دي دوق
نق بري سنغ هاتي کا کتوا دي . سابیت تو ، دي تاء ماسوق
چمفور دغن کرج لائین ماس تو .
5 اتوا دغن اورغ هق ماسوق تیواس فول . دي ماسوق تیواس تاء لیه
منغ ، ملینکن دي توروت اتوران ۲ تو .

- 6 فس اورغ هق راجين كرج بوات بندغ، ديال هق سوغ فاتوت
تريما بهگيان مولا ۲ دالم حاصلن تو.
- 7 ايغت بري موليقله، معنا فرکارا ۲ هق اكو رويت ساءني، فس
رتي نق بري مو بوليه فهم سموان.
- 8 جاغن ترلوفاله كا عيسو المسيح، هق ماتي هيدوف كليق تو،
بي هق جادي كتورون راج داور. نيله خبر يغ بائك هق اكو
دوق رويت.
- 9 سابيت اكو رويت خبر تو، اكو كنا سوسه هيغك سمفي اورغ
تمبت دغن رنتي سروف اورغ جاهت. تافي فركتان توهن، اورغ
نق تمبت دغن رنتي فون تاء ليه، تاء لكت!
- 10 سبب نيله اكو كاچغ اور كسوساهن مان ۲ فون، دغن کران اورغ
هق توهن فيليه انتوق بري بي بوليه تريما سلامت دغن
کملیان هق ککل، سکالي دغن عيسو المسيح.
- 11 فرکتان ني بنر سوغکوه، هق کات:
کيت هق ماتي سکالي دغن بي،
تنتوله نق هيدوف سکالي دغن بي جوگ.
کيت هق کاچغ اور کسوساهن لاني،
12 تنتوله نق مرينته سکالي دغن بي جوگ.
کالو کيت بوات تاء کنل دغن بي،
بي فون نق بوات تاء کنل دغن کيت جوگ.
- 13 تنتو کيت هيلغ فرچاي اچف ۲، تافي سوغ فاتوت
کيت هارف کا بي سعمور،
سبب صیفة بي تاء براوبه.

اورغ كرج لاگو مان هق توهن برکن

- 14 هق اكو رويت ساءني، مو بري فواق مو ايغت کاتيق، فس
تنجوق اجر کا بي، سروف مودوق دافن توهن. لارغ بي،

- جاغن بري لاون چارا حال فرکتان ۲ توهن بالس مان مقصور دي ،
کران هق تو تاء ار فائده ، بري کاجو فيکيران اورغ ۲ هق دوق دغر
ساج .
- 15 فس مو سندیري تیموتیوس ، اوسهاله سوغکوه ۲ ، نق بري موبوليه
مفهادف توهن سروف اورغ هق توهن سوي ده کات کرج
مو مولیق ، اورغ هق بوات کرج توهن دغن تاء کنا براس مالو ،
کران مو باوا خبر توهن هق بنر تو ، دغن بتول .
- 16 بري جاء وهله ديري مودرفد کیچیفن اورغ بودوه هق تاء حرمة کا
توهن ، کران کیچیفن دي تو نق بري هاتي اورغ هق دغر ، کلیرو
کهور ۲ تاء باهو دغن توهن .
- 17 فحاجران اورغ سروف تو نق کهور ۲ مغایت بري بیسانا ۲ یک کا
سموا توبوه . دالم فواق تو ، ار جوگ هیمینیس دغن فیلیتوس .
- 18 دي سندیري بیلق درفد جالن هق بتول تو . فس دي مغاجر
هق ساله ، کات ، کالو کیت فرچاي ، کیت بغکیت هیدوف کلیق
ده . دالم فواق هق فرچاي ، ار هق ایمان دي تربالیق ، دغن
کران فحاجران تو .
- 19 تافي ار فلافیق کوکوه هق توهن لتق ده ، انتوق اورغ برایمان .
فلافیق تو تاء برگویغ . فس هق ار تولیس اتس فلافیق تو
بالس ني : توهن کنل ده دغن اورغ هق جاي میلیق دي . فس
ار ایات سا لاگی کات : اورغ مان ۲ هق مفاکو کات دي جاي
میلیق توهن ، دي کنا تیغگل هق ساله اتوا جاهت سموا تو .
- 20 دالم رومه بسر ، ار ماچم ۲ روف مفکوق فیغکن . بوکن سموا
هق بوات دغن مس اتوا فیرق . ار جوگ هق بوات دغن کایو
اتوا دغن تانه لیات . ار هق سوغ فاکی هاري رای ، فس ار
هق سوغ فاکی هاري ۲ .
- 21 اورغ هق بري سوچی ديري دي درفد کسلاهن اتوا کجهاتن تو ،
دي نق جاي سروف مفکوق فیغکن انتوق هاري رای ، هق سوغ

- توان رومه بولیه فاکی بوات کرج فیسید ، هق دوق سیمفن سیف
 22 ده انتوق کریجائن مان ۲ هق مولیق . سابیت توله ، جاغن مو
 دوق توروت نفسو ۲ مو سروف کباپقن اورغ مودا ، دق !
 مو کاچغ توجوله کا سموا هق عادیل ، کفدایمان ، کاسیه ، فس
 دوق باءیک ۲ دغن اورغ . مو کنا توجو کا فرکارا ۲ تو سکالی دغن
 سموا اورغ هق فرچای کا رټی دغن اخلاص هاتی .
 23 تافي بري جاءوهله ډيري مو ډرډ کيچیفن بحس هق تاءار فاء یده
 هق تنجوق کات اورغ هق بحس بالس تو ، بودوه . مو تاهو ده
 کات ، سور کيچیق بالس تو نق جاي کلاهي باله ساج .
 24 اورغ هق بوات کرج کا رټی ، تاء سوغ ډي دوق نق کلاهي باله ،
 بق ! ډي کنا ار بوي بهاس کا سموا اورغ ، کنا جاي اورغ هق
 فنډي اجر ، هق بوليه صبر .
 25 فس ، اورغ هق لاون دغن ډي ، ډي کنا بنتوق دغن لمه لموت .
 بغکالي توهن نق بري اورغ هق لاون تو توبه ، فس ، فالیغ
 فرچاي کا هق سوغکوه . بالس توله ، ډي بوليه کابر کات ډي
 ساله ، فس بوليه سلامت ډرډ فرغکف هییلیس هق فقسا سوروه
 توروت کهندق ۲ ډي .

ماس اخير دنيا

باب 3

- 1 مو کنا فهم کات ، فد ماس اخير دنيا ، نق تیمبول ماچم ۲
 2 کجادین هق تاء مولیق . کران مائسي ماس تو نق ايغت کا
 ډيري ډي ساج . ډي تاء کيرا اف ۲ اصلکن ډي بوليه دويت . ډي
 نق بسر کا ډيري نق سومبوغ ، نق ماکی کا اورغ ، تاء سير طاعة
 کا ايبو باف ، تاء بالس بوي اورغ .
 3 ډي نق هيدوف سروف اورغ کفور . ډي تاءار فراسان کاسيه اتوا
 کسياغ بلس فون . ډي سوک کيچیق بوهوغ بري فونه نام اورغ .
 ډي تاء سير تاهن ډيري ډي .

- 4 ډي بيغځيغ، بنجي کا هق باءيک. ډي سوک درهاک کا اورغ. اف
هق ډي نق بوات، بوات سلالو، دغن تاء سدر سنديري. ډي سوک
فاءوغ کا ډيري ډي. ډي نق سنغ کا ډيري ډي لبيه فد کاسيه کا
5 توهن. تيغوق دلوار، ډي بوات توروټ اتوران ۲ اوکام، تافي،
دالم هاتي، ډي تولق کواس هق سبئر، هق اوکام تو.
6 بري جاءوهله ډيري مو درفد اورغ ۲ سروف تو. کران دالم فواق تو
اد اورغ هق نق مپليت ماسوق جاي کلوآرگ درومه تغگ اورغ،
انتوق نق تاريخ هاتي اورغ بتينا، هق تاء فندي گامق، هق
براس دوق تينديه روسام ۲ ډي، هق هاتي ډي تاء تتف.
7 سابيت تو، اورغ بتينا ني، ډي نق فرچاي بلاک، فغاچران
سياف ۲ فون، تافي ډي تاء ليه سمفي کا علمو هق سوغگوه.
8 بالس مان جانيس دغن جمبريس، روا اورغ مصير تو، لاون دغن
نبي موسی ماس دولو، بالس تو جوگ، اورغ ۲ هق مپليت ماسوق
سائني، دوق لاون دغن هق سبئر. اورغ ۲ ني، فيکيران ډي
فونه ده، ايمان ډي فلسو.
9 ډي بوليه مفاچر سبئر ساج، تافي تاء لام، سموا اورغ نمفق
کات فغاچران ډي بودوه. فس نق جاي کا ډي سروف هق
جاري کا جانيس دغن جمبريس دولو تو.

اورغ هق توروټ المسيح دغن سوغگوه ۲ هاتي

- 10 ايغتله تیموتیوس، مو سوده تيليق فرهاتي بلاک ده اف ۲
هق اکو اجر، هق اکو بوات، توجوان هيډوف کو، ايمان کو،
بالس مان اکو صبر، کاسيه، فس دوق کاچغ اور.
11 مو تاهو ده بالس مان اکو کنا پاڻ، کنا سوسه، هق ملن
جاتوه اتس اکو دبندر انتيوخ، ډايکونيوم، فس ډليسترا فول.
بالس مان اکو کنا پاڻ تروق ساعت ډسيتو. تافي دالم سموا
کسوساهن ني، ربي تولوغ بري کا اکو سلامت، پوکن؟

- 12 تنتوله، اورغ مان ۲ هق براس نق توروت عیسی دغن سوغکوه ۲ هاتي، نق کنا پان جوگ.
- 13 تافي اورغ جاهت هق سوک تيفو اورغ تو، يي نق کهور ۲ جاهت لاکي، دغن تيفو اورغ، فس ري سنديري فون نق کنا تيفو راورغ جوگ.
- 14 تافي مو تیموتیوس، دوق تتف هاتيله، اتس اف ۲ هق مو بلاجر ده، هق مويقين کات سوغکوه. کران مو کنل ده دغن اورغ ۲ هق اجر مو تو. ايغتله بالس مان دري کچيک لاکي، مو دوق مفاجي اليف، با، تا، توروت هق ار رالم کتاب توهن. فس کتاب نيله هق اجر هاتي مو، بري توروت جالن سلامت دغن فرچاي کا عیسی المسيح.
- 16 سموا کتاب ۲ ني وحي درفد توهن کا مائيسي، فس ار فائده انتوق اجر اورغ، انتوق بنتوق مان ۲ هق بيلق، انتوق بائيقي ملن ۲ هق ساه، فس انتوق تنجوق اجر جالن هيديوف هق بتول رنداغن توهن.
- 17 دغن مفاجي کتاب نيله، اورغ هق کرج کا توهن بولييه کفنداين هق چوکوف سمفرن، فس دوق سيمفن سيف ده، نق بوات سموا کرج هق بائيک.

فسنن انتوق اورغ هق جادي کتوا

باب 4

- 1 لاني، دافن توهن دغن عیسی المسيح، يي هق نق ماري جاني حکيم اتس اورغ هيديوف دغن اورغ ماتي، فس دغن اکو دوق ايغت کات، عیسی نق ماري بري نمفق توبوه يي، فس نق لتق فرينته يي دغن سمفرن ماس دافن، اکو فولوس دوق فسن گلد مو.
- 2 اکو نق سوروه مو جوگ ۲ اوسهاله رويت خبر توهن. دوق برسيف نق بوات کرج توهن سمور، تاء کيرا کات فلواغ تو

مولیق اتوا فون تاء مولیق . تگهله اورغ مان ۲ هق سیلف ، بری
بتولله اورغ مان ۲ هق ساله . بریله سموا اورغ ار سماغت ، فس
اجرله دی دغن هاتی صبر .

3 کران نق سمفی ماس اورغ ۲ تاسیر دغر فعاجران هق ار ایسی ،
تافی دی نق توروت نفسو دی سندیری ، کی چاری گورو ۲ ماری
دوق ستومفوق ، هق نق اجر دی فرکارا ۲ هق سد ف دتلیغا .

4 دی تاء سیر دغر فعاجران هق بتول ، نق فالیغ دغر چریتا ۲ بهاری
ساج .

5 تافی مو تیموتیوس ، جاگ ۲ له دیری مو سعمور . ولو سوسه فون ،
کنا صبر کاچغ بوات کرج مو جانی اورغ میمفی خبریغ بایک .
فس کرج هق مو دوق تگکوغ جواب کا توهن تو ، بواتله دغن
سوگوه هاتی هیفگ سمفی سور .

کهیدوفن فولوس نق سور ده

6 فس اکو فول ، ماس نق سمفی ده هق داره کو کنا تومغه
توبیت سروف قربان ، ماس اکو کنا تیغل دنیا .

7 اکو برتیواس ده سوگوه ۲ . اکو بولیله ده بندیرا . اکو فکغ دغن
کجت کا ایمان تو .

8 امبیق دماس لانی نایک کی ، هدیه هق نق بری کا اورغ منغ ،
دوق چادغ ده انتوق اکو ، یائیت مهکوت هق نق هدیه کا
اورغ هاتی بتول ، هق ربی نق هولور کا اکو فد هاری اخیره ،
تکه دی ماری جانی حاکیم یغ عادل تو . فس ، بوکن کا اکو ساج
تافی کفد سموا اورغ هق دوق ننتی نق سمبوت دی ماری تو .

فسنن فولوس کا تیموتیوس هق سور

9 مو چاریله جالن بری بولیله ماری کا تمفت اکو ، بری باغت ۲

10 سیکیٔ . کران دیمس دوق سایغ کا حال ۲ دنیا لانی . سابت تو ،

- 11 ڊي لاري تيڱل اڪو ڪي ڪا بندر تيسالونيڪا . ڪريسڪرينس ڪي ده ،
 نق بوات ڪرڇ توهن ڊنگري ڪلاتيا ، فس تيتوس فون ڪي ده ڪا
 ڊنگري ڊالماتيا . لوقس ساڄ هق ڊوق سڪالي دغن اڪو . ڪيله ،
- 12 چاري مرقوس باوا ڊي ماري ڊسيني سڪالي دغن مو ، سبب ڊي
 بوليه تولوغ ڊالم ڪرڇ اڪو ڊي . فس ، هق سور سڪالي اڪو هنتر
 تيڪيڪوس سوروه ڊي ڪي ڪا بندر ايفيسوس .
- 13 بيلامو ماري ، باوا له باجو سجوق ڪو ، هق اڪو تيڱل ڊرومه
 ڪرفوس ، ڊبندر ترواس . فس باوا له سورت ۲ ڪو ڪاتيڪ . هق
 مستحق ، چاغن لوف سورت ۲ هق توليس ڊڪوليت بناغ تو .
- 14 اسڪندر هق جاني توڪغ تماڪ تو ، ڊي بوات خيانه بايق ڪا
 اڪو . بلرله ، ربي نق بالس ڪا ڊي .
- 15 فس تیموتیوس ، مو سنديري ڪنا جاڳ ترهادف ڊي ، ڪران ڊي
 لاون ساغت ڪا فغاچران ڪيت .
- 16 تڪه اڪو ڪنا اڊو هق مولا تو ، تاء ڊسئورغ هابوق هق ماسوق
 باليق ڪو ، سموا تيڱل هابيس . تافي چاغلله توهن امبيق
 ساله ڪا ڊي ڪران حال ڊي .
- 17 تافي ماس تو ، ربي سنديري ماسوق باليق ڪو . ڊي بري اڪو
 ڪواس بوليه رويت خبر توهن بري چرف ، ڪا اورغ هق بغسا
 لائين ۲ ڊتمفت فغادوان تو . فس ڊي بري اڪو لفس ده ڊرڊ
 بهيا سروف دغن مولوت سيغا .
- 18 تنتوله ربي نق بري اڪو لفس جوگ ، ڊرڊ سموا ڪجهاتن ، فس
 باوا اڪو دغن سلامت هيڱ سمفي تمفت ڊي ڊوق ميرينته ،
 ڊشرگ . فوجيله ربي ، ڊي هق مليا بوات سلام ۲ . امين .

فولوس ڪيريم سلام ڪا اورغ

- 19 اڪو ڪيريم سلام ڪڏ فرمڪيلا دغن لاکي ڊي اڪويلا ، فس

- کا اورغ هق دوق رومه تڦگ اونيسيفوروس کاتيک .
- 20 ایرستوس دوق ار دیندر کورینتوس لاگي . فس تروفیموس دوق
دیندر میلیتوس . دي تاء ماري سکالي دغن اکو کران دي ساکیت .
- 21 مو تیموتیوس ، چاريله جالن بري بوليه ماري سيني ، بلوم فد
فرياغ سجوق . اوبولوس ، فودینس ، لینوس ، کلاءودیا ، سکالي
دغن ادیق برادیق لائن هق فرچاي کا المسیح ، سموا کیریم
سلام کفد مو کاتيک .
- 22 مینتاء ربّي دوق سکالي دغن مو ، فس رحمة توهن تورون دوق
اتس مو سموا .

تیتوس

سورت کیریمن هق توهن بري
فولوس تولیس کفد تیتوس

فولوس دوق تگور تیتوس

باب 1

- 1 اکو فولوس، هعب توهن هق باوا تيته عیسی المسیح،
انتوق نق تولوغ تمبه ایمان کا اورغ هق توهن فیلیه، فس
انتوق فیملین ری بری ار علمو هق توجو کا اوگام هق سبیر، نق
بری ار هرافن نق بولیه هیدوف چارا بارو درفد توهن .
- 2 زمان ۲ دولو لاگی، توهن جنجی نق بری هیدوف نی، فس ری
تا موغکیر جنجی. سابت توله، فد ماس هق ری لتق دولو،
توهن بری پات خبران ری، فس ایکوت سوروهن توهن،
جورو سلامت کیت، اکو فولوس باوا تيته کنا گی مپمی خبران
تو .
- 4 اکو تولیس سورت نی کا تیتوس، هق سروف انق کو سندی ری
کران کیت سام ۲ فرچای. اکو مینتا توهن باف، دغن عیسی
المسیح جورو سلامت کیت، توروون رحمة دغن سلامت سجهترا
اتس مو .

نق لتق اورغ جانی کتوا ۲

- 5 اکو تیغل مو تیتوس، دولو کریت، نق بری مو سلسی

- 6 اف ۲ هق تاء سوره لاگي . اكو بري مو لتق اورغ جايي كاكق ۲ اتس فواق المسيح رگنڤ ۲ تمفت ، ايكوت سوروهن كو ، ياءيت اورغ مان هق نق جايي كاكق تو ، مستي كنا اورغ لائين تيغوق بئيك تاء ار ساله . كالو بريني ، دي كنا جايي اورغ هق روق موليق لاگي بيني دغن بيني تو ساج . فس انق ۲ دي فون كنا فرچاي سروف فق دي ، تاء كنا اورغ ۲ بوليه كات ، دي بوق فايه اجر ، اتوا هق داليه بوات ايكوت دي .
- 7 كران اورغ هق جايي كتوا تو ، جايي وکیل توهن . سابيت تو دي تاء ليه بوات هق ساله . تاء سوغ فاتوت دي سومبوغ ، اتوا نئيك داره فانس ، اتوا هق براهي مابوق ، اتوا موده موريه ، اتوا فون هق نق كا لاب انتوق ديري دي سنديري .
- 8 دق ! دي كنا جايي اورغ هق ريلا سمبوت دغن بئيك ، اورغ هق ماري كا رومه دي . دي سوک كا هق بئيك سمات ۲ ، اورغ هق فندي تاهن ديري ، هق هاتي بتول ، بوات هق توهن برکن ، اورغ هق ترتيب ترنيغ .
- 9 كتوا تو ، دي كنا فگغ کجت دغن فغاچران هق بنر ، كنا دغن هق اصل . بالس تو ، دي بوليه بري سماغث كا اورغ ۲ لائين کو جالن فغاچران هق ار ايسي تو ، فس بوليه بري نمق چرف کسلاهن اورغ هق لاون فغاچران تو .

نق لاون دغن گورو ۲ فلسو

- 10 سسوڭگوھش ، ار بايق هق ياتس فغاچران تو ، هق گي تيغو اورغ لائين دغن کيچيفن همفا . اورغ هق سوک بحس بالس ني ، کباپکن دي اورغ يهوئي ، هق بارو فرچاي كا المسيح .
- 11 مستي كنا لارغ دي ، تاء بري کيچيق . سبب رومه مان دي نئيك ، دي بري فونه سموا اورغ دالم رومه تو ، دغن اجر هق تاء موليق . توجوان دي نق . كا دويت ساج . تاء سوغ دي نق

جاري ڪورو دالم فواق المسيح.

12 ار سٿورغ نبي هق بغسا ڪريت سنديري، هق بياس رويت ففاته
ڪات: اورغ بغسا ڪريت ني سوڪ بوهوڻ، بيٿڪيڻ، مالس نق
بوات ڪرح، ايٿت ڪا ماڪن ساج.

13 فسر اڪو فولوس ني ستوحوڪات، ففاته ني سوڻگوه. سابيت تو
مو تيتوس ڪنا تڪه ري قواة ۲ سيڪيت، انتوق نق بري ايمان ري
ڪوڪوه لاکي.

14 فسر جاڻن بري ري توروٽ چريتا ۲ بهاري هق اورغ يهودي تو،
اتوا سوروهن اورغ هق تولق تاء سير تريما فغاچران هق بنر.
15 اورغ هق هاتي سوچي، سموا فرڪارا فون سوچي. تافي اورغ هق
هاتي چمر، فرچاي تاء تتف، تاء ار سڪارا فون هق سوچي.
سبب هاتي دغن فيڪيران ري چمر سموا ده.

16 اورغ هاتي چمر ني مڱاڪو دافن اورغ ڪات، ري فرچاي ڪا توهن،
تافي هق ري بوات تو بري پات ڪات، ري تاء فرچاي. فرڪارا
ني هق اورغ بنچي. ري بوات ايڪوت سير، هيٿڱ سمفي تاء ليه
نق بوات هق بائڪ.

فغاچران هق ار ايسي فنوه

باب 2

1 تافي مو تيتوس، اجرله اف ۲ هق سوڻ فاتوت دغن
فغاچران هق ار ايسي فنوه.

2 نصيحتله ڪا اورغ جنتن هق فريٿڪت توا سيڪيت، بري ترتيب
ترنيڻ، بوليه تاهن ديري. سوروه ري بري ڪجت ايمان، ڪاسيه
دغن هاتي صبر.

3 بالس تو جوڳ، نصيحتله ڪا اورغ بتينا هق فريٿڪت توا سيڪيت
بري فراڻي ري موليق، سوڻ دغن هق دوق سوچي انتوق
توهن. لارغ ري جاڻن مغوفت، اتوا جاني همب ارق. ري
ڪا اجر هق من بري بائڪ.

- 4 بالس توله اورغ ۲ بتینا هق مودا نق توروت چنتوه دي ، نق
- 5 فندي کاسيه کا لاکي دغن انق ۲ دي ، فندي تاهن ديري ، فندي دوق سوچي ، فندي بچارا کا رومه ، فندي لمه لمبوت ، فندي امبيق هاتي تو لاکي انتوق نق بري اورغ لاین تاهينا فرکتان توهن .
- 6 فس چارا حال اورغ جنتن مودا فول ، سوروه دي جوگ ، تاهن ديري دي .
- 7 فس مو سندیري ، تیتوس ، دالم سموا فرکارا سانی ، مو کنا جاي چنتوه هق بایک ، دغن کرج بایک جوگ . فس ، بیلا مو مفاجر ، تنجوقله کات مو جوجور ، بوکن ماین ۲ .
- 8 بريله کیچیفن مو ار ایسی فنوه ، جاغن بري فلواغ کا اورغ بوليه یاتس . بالس توله ، اورغ هق لاون کیت نق مالو ، تاء ار سکارا هق بوليه مفادو کات کیت ساله .
- 9 اورغ هق جاي همب فون ، مو کنا سوروه توروت فرینته توان دي ، دغن تاء لاون اف سکارا . بالس تو بري توان دي براس
- 10 سنغ هاتي . لارغ دي ، جاغن کریت بارغ توان دي . دي کنا بري توان دي بوليه هارف سفوتي کا دي بلاک . بالس توله ، اف ۲ هق همب تو بوات ، دي نق بري تیمبول نام مولیق ففاجران چارا حال توهن ، جوو سلامت کیت .
- 11 کران توهن تورون ده رحمة دي بري جلس ، انتوق نق بري سلامت کا سموا مانیسي .
- 12 رحمة تو نق اجر هاتي کیت ، سوروه تیغگل هق مان جاي کوفور ، اتوا اغن ۲ نق بوليه کلبیهن اتس دنیا . توجوان توهن ، نق بري کیت هیدوف دغن تاهن ديري ، دوق تکف دغن
- 13 هاتي هق توجو کا توهن سمور دنیا ني ، تکه کیت دوق ننتي هرافن هق نق بري فنوه سوک هاتي فد ماس رافن تو ، یاءیت هاري نق بوليه نمفق کمليان توهن یغ مها بسر ، جوو

- 14 سلامت کیت عیسی المسیح. دیاله هق سره ډیري انتوق نق تبوس پاوا کیت، ږي لفس ډرډ سما کجهاتن، فس نق ږي کیت دوق سوچي انتوق ډي، ملیق ډي هق سوک بوات مولیق.
- 15 رویتله مرکارا ښي. فاکيله کواس مو انتوق تنجوق اجر، فس انتوق تکه اورغ. جاغن ږي اورغ مان ۲ تاء فډولي کا کیچیفن مو.

کلاکوان اورغ دالم فواق المسیح

باب 3

- 1 فس مو تیتوس، کنا فرايغت کا فواق مو، ږي ډي تورو سما اونډغ ۲ هق کراجان اتوا کتوا ۲ ډي لتق. ږي ډي طاعة، دوق سیمفن سیف نق بوات اف ۲ هق مولیق.
- 2 فسن کا ډي، جاغن ږي ډي کیچیق مفهودوه حال سیاف ۲ فون. جاغن ږي دوق کلاهي باله، تافي سوروه ډي تنجوق فراغي لمه لموت کا سما اورغ.
- 3 سبب ماس ډولو کیت سندیږي بیاس جاهیل، تاء فادول کا اورغ، ساله جالن سمور. کیت جاني همب کا نفسو ۲ کیت تو. کالو براس نق اف، کیت بوات سلالو. کیت دوق هیدوف سوک تورو هق جاهت، دغکي کا اورغ، اورغ بنچي کا کیت، کیت فون بنچي کا ډي جوگ.
- 4 تافي بیلا توهن، جوړو سلامت کیت، ږي پات کات ډي باءیک،
- 5 دوق کاسیه کا ماء نسي، تکه تو جوگ، ډي ږي سلامت کا کیت، بوکن سبب کیت بوات باءیک ایکوت حکوم ۲، دق! تافي سبب، دغن کسپاغ بلس توهن ساج، کیت بولیه سلامت. ډي باسوه کیت دغن روح ډي تو، ږي کیت برانق سمولا انتوق هیدوف چارا بارو.
- 6 توهن چوچور روح ډي تو اتس کیت، ږي ملیمغه، کوه جالن
- 7 عیسی المسیح، جوړو سلامت کیت، نق ږي کیت بولیه باءیک دغن توهن، کران رحمة ډي تو، دغن هرافن کات، کیت بولیه

- 8 فساڪ، هيدوف هق سمفرن. خبران ني هق ڪيت بوليه هارف. فس اڪو نق بري مو امبيق برت بوليه اجر فرڪارا۲ ني، انتوق نق بري اورغ۲ هق فرچاي ڪا توهن، فيڪيران ري توجو ڪا نق بوات بائڪ سعمور. سمو ني موليق، فس ار فائده ڪا ماء نسي فول.
- 9 تافي بري جاء وهله ڊيري مو ڊرفد سوءال۲ هق بودوه، دغن بيلاغن تو۲ نينيق مويغ، لفس سلافيس۲، اتوا مان۲ هق بري اورغ ڪلاهي باله دغن ايات۲ دالم ڪتاب تورات. ڪران سمو ني بري خيانه ڪا اورغ، تاء ار فائده بلاڪ.
- 10 فس، ڪا اورغ هق بري ڪلاهي باله فول، مو ڪنا تنجوق اجرڪا ني سڪورغ۲ دوا ڪالي. لفس تو، ڪالو ري تاء دغر جوگ، بري جاء وهله فد ري. ڪران مو تاهو ده ڪات اورغ ماچم تو هاتي بيلق. دوسا ري تو جادي تندا ڪات ري ساله ده.

نصيحة هق سود سڪالي ڪا تيتوس

- 12 بيلا اڪو هنتر ارتيموس اتوا تيڪيڪوس سمفي ڪفد مو، مو ڪنا چاري جالن باغت۲ بري بوليه مو ماري تمو دغن اڪو ڊبندر نيكوفوليس، تمفت اڪو ڪرت سين نق دوق، فد فرياغ سجوق.
- 13 مو ڪنا چاري جالن بري موليق۲ ڪا زينس، هق جايي فگوام تو، دغن افولوس. تولوغ بري سلامت فرجلانن ري، دغن بري تنتو ڪات ري ار سمو هق ري ڪنا فاکي.
- 14 فواق المسيح ڪيت سمو ڪنا بلاجر چاري ماس بوات ڪرج موليق۲ انتوق تولوغ اورغ مان هق چمفيغ سوغگوه. جاغنه سياف دوق دغن تاء ار فائده.
- 15 اديق براديق سمو هق دوق سيني ڪيريم سلام ڪفد مو. بلاڪ. بري سمفيله سلام ڪو ڪفد اديق براديق هق ڪاسيه ڪا اڪو ڪران ڪيت سام۲ فرچاي ڪا رهي عيسي.
- مينتاء بري رحمة توهن دوق اتس مو سمو.

فيليمون

سورت کيريمن هق توهن بري
فولوس توليس کفد فيليمون

فولوس دوق تگور فيليمون

باب 1

- 1 اكو فولوس ، هق کنا ايگت کران عيسى المسيح ، دغن
اديق کو تيموتیوس ، توليس سورت ني کا فيليمون ، اديق هق
کيت کاسيه سوغکوه ، هق دوق کرج کا توهن سگالي دغن کيت .
- 2 فس کا فواق هق ماري فراچوم درومه مو ، سگالي دغن اديق بتينا
کيت افياه ، فس کفد ارکيفوس هق ماسوق برلاون سبله المسيح
سگالي دغن کيت تو .
- 3 مينتا توهن باف کيت دغن ربتي عيسى المسيح ، توروون رحمة
اتس فواق مو دغن سلامت سجهترا .
- 4 هي اديق کو فيليمون ! کنف ۲ کالي اكو برعا انتوق مو ، اكو
- 5 اوچف تريما کاسيه کا توهن ، کران اكو بويي کات مو کاسيه کا
سموا اورغ هق جاني ميليق توهن ، فس مو فرچاي قواة کا ربتي
عيسى .
- 6 اكو مينتا دعا نق بري مو کهور ۲ دوق سهاتي دغن اورغ هق
فرچاي کا ربتي عيسى سروف مو جوگ ، سهيفگ مو بوليه ارتي
باهق سکت مان فرکارا ۲ باهک هق کيت بوليه بوات نق تنجوق

كاسيه كا المسيح.

7 اكو براس سوک هاتي سوڱوه، قواة فد دولو لاڳي، کران مو تنجوق کاسيه کا فواق ميليق توهن بالس تو، فس بري سماغت کا هاتي ري کاتيک.

فولوس نق مينتاء ساتو فرکارا دغن فيليمون

8-9 سبب سموا نيلاه، ار ساتو فرکارا هق اكو نق مينتاء سام مو دغن کاسيه. سوڱوه اكو براني سوروه مو بوات هق مان عاديل، کران اكو ني جادي ميليق المسيح، وکیل ري هق کنا ايکت کران ري.

10 تافي دق! اكو نق مينتاء سام مو تو انتوق اونيسيموس، هق جادي سروف انق کو، کران اکوله هق فيمفين ري بري فرچاي کا ربي عيسى، تکه اكو دوق ايکت درنتي ني.

11 دولو اونيسيموس ني تاء برگون انتوق مو، تافي لاني ري برگون ده، بوکن انتوق مو ساج، دق، تافي انتوق اكو جوگ.

12 اكو نق سوروه ري کليق کفد مو. تافي نق هنتر ري تو،

13 سروف اكو تاء ار باهو سبله. سوڱوهن، اكو براس نق بري ري دوق دسيني دغن اكو. ري بوليه تولوغ اكو گنتي مو، تکه اكو دوق ايکت کران اكو رويت خبر بائيك ني.

14 تافي اكو تاء سير فقسا فرکارا ني اتس مو، ملينکن مو ريلا هاتي نق بوات فرکارا بائيك ني کا اكو. سابيت تو اكو تاء فگغ ري.

15 بڱکالي ري تيغگل مو دولو تو، سبنتر ساج، انتوق مو نق بوليه سمبوت ري کليق دوق سکالي دغن مو سلام ۲.

16 تافي لاني، بوکن ري جادي همب مو ساج، دق! ري لبيه بائيك فد همب مو لاڳي، کران ري جادي اريق هق کيت کدوا کنا کاسيه. اكو کاسيه سوڱوه کا ري، تافي تنتو مو کنا کاسيه کا ري لبيه بايق لاڳي فد اكو، کران ري اورغ هق مو کنا تڱوڱ جواب

- سابيت دي جاري همب ، فس دي كنا دغن مو کران مو سام ۲
- 17 فرچاي دغن رتي. سابيت توله ، کالو مو مفاکو کات اکو ني جاري سائين مو سوغکوه ، مو سمبوتله دي کليق ، سروف توبوه اکو سنديري .
- 18 کالو دي بوات ساله اف ۲ کفد مو دولو ، اتوا براوتغ دغن مو ،
- 19 بلر اکو تگکوغ. اکو فولوس توليس سورت ني بوات جامين کات ، اکو نق تگکوغ باير اوتغ دي . تافي ايغثله ، مو براوتغ دغن اکو جوگ ، بوکن ، کران مو بوليه سلامت تو .
- 20 هي ادیق کو فيليمون ! سابيت کيت سام ۲ فرچاي کا رتي ، مو تولوغلہ اکو . بريله سماغت هاتي کو کاتيقي ، کران کيت کدوا دوق سہاتي دغن المسيح .
- 21 اکو توليس سورت ني کفد مو ، کران اکو بوليه هارف کات مو نق بوات لبيه فد تو لاگي .
- 22 تکه مو دوق سمبوت اونيسيموس تو ، مو سيمفنه بيلیق انتوق اکو کاتيقي . کران اکو دوق هارف کات ، تاء لام اکو بوليه ماري کا تمفت مو ، سابيت فواق مو دوق کاچغ برعا دغن توهن بالس تو .

سلام هق سود

- 23 ايغافروس هق دوق كنا ايکت سکالي دغن اکو کران عيسي المسيح ، دي کيريم سلام کفد مو .
- 24 بالس تو جوگ ، سائين ۲ کو هق کرج سکالي دغن اکو ، مرقوس ، اريستركوس ، ديمس دغن لوقس ، کيريم سلام جوگ .
- 25 مينتا رتي عيسي المسيح توروين رحمة اتس فواق مو سموا .